

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

## **S T E N O G R A M**

**SA 14. SJEDNICE GRADSKOG VIJEĆA TUZLA ODRŽANE 19. DECEMBRA  
2025. GODINE U POSLOVNOM OBJEKTU „GRAFIČAR“ SA POČETKOM U 10,00  
SATI.**

**- SJEDNICI PRISUSTVUJE 31 VIJEĆNIK.**

**U Tuzli, decembar 2025. godine**

## ANA PEJIĆ – predsjedavajući Gradskog vijeća Tuzla

(Intoniranje himne Bosne i Hercegovine).

Poštovani vijećnici Gradskog vijeća Tuzla, poštovani gradonačelnice, predstavnici gradskih službi, predstavnici medija, gosti, otvaram 14. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća, sjednici prisustvuje 30 od ukupnog broja vijećnika. Za današnju sjednicu svoje kašnjenje najavila je vijećnica Berisa Ahmetović.

U skladu sa članom 65. Poslovnika Gradskog vijeća Tuzla („Službeni glasnik Grada Tuzle“, broj 5/22 i 14/24), kojim je propisano da „Predsjedavajući obavještava Gradsko vijeće ko je osim vijećnika pozvan da prisustvuje sjednici“, obavještavam vas da je poziv za današnju sjednicu Gradskog vijeća Tuzla upućen gradonačelniku Grada Tuzle i drugim ovlaštenim predlagateljima materijala, sekretaru organa državne službe, te svim obrađivačima, pomoćnicima gradonačelnika i rukovodiocima stručnih službi, Upravnoj organizaciji Zavod za urbanizam, Gradskom pravobranilaštvu Grada Tuzle, Komisiji za odlikovanja i priznanja, Upravnom odboru Javne ustanove za predškolski odgoj i obrazovanje „Naše dijete“ Tuzla, Komisiji za izbor predsjednika Upravnog odbora iz reda osnivača i člana Upravnog odbora iz reda stručnih radnika zaposlenih u Javnoj Zdravstvenoj Nastavnoj Ustanovi Dom zdravlja „Dr. Mustafa Šehović“ Tuzla, čiji je osnivač Grad Tuzla, Stručnom timu za određivanje naziva ulica i trgova na području grada Tuzla, kao i medijima.

Evidencija prisutnih na današnjoj sjednici Gradskog vijeća je kod uposlenika Stručne službe Gradskog vijeća.

Obavještavam vijećnike da će se zapisnik sa 13. redovne sjednice Gradskog vijeća Tuzla, održane 27.11.25-e godine, usvajati na narednoj redovnoj sjednici Gradskog vijeća.

Za današnju 14. redovnu sjednicu Gradskog vijeća Tuzla predlažem dnevni red koji ste dobili u materijalu za današnju sjednicu.

Gradonačelnik Grada Tuzle je u poslovničkom roku 12.12.25-e godine, dostavio prijedlog da se u dnevni red današnje 14. redovne sjednice Gradskog vijeća Tuzla uvrsti tačka pod nazivom:

„Razmatranje i usvajanje nacрта:

- a) Regulacionog plana prostorne cjeline „Topolica“ u Tuzli
- b) Odluke o provođenju Regulacionog plana prostorne cjeline „Topolica“ u Tuzli“.

Prijedlog gradonačelnika ste dobili u e-mailu, kao i u materijalima podijeljenim pred sam početak sjednice.

Otvaram raspravu.

Da li se neko javlja za riječ?

Zatvaram raspravu.

Stavljam na izjašnjavanje prijedlog gradonačelnika da se u dnevni red današnje 14. redovne sjednice Gradskog vijeća Tuzla uvrsti tačka pod nazivom:

„Razmatranje i usvajanje nacрта:

- a) Regulacionog plana prostorne cjeline „Topolica“ u Tuzli
- b) Odluke o provođenju Regulacionog plana prostorne cjeline „Topolica“ u Tuzli i molim vas da se izjasnite“.

Glasanje je okončano.

Konstatujem da je prijedlog gradonačelnika da se u dnevni red današnje 14. redovne sjednice Gradskog vijeća Tuzla uvrsti tačka pod nazivom:

„Razmatranje i usvajanje nacрта:

- a) Regulacionog plana prostorne cjeline „Topolica“ u Tuzli
  - b) Odluke o provođenju Regulacionog plana prostorne cjeline „Topolica“ u Tuzli“
- usvojen sa,  
24 glasa za, 1 protiv i 1 suzdržani.

Predložena tačka se uvrštava u dnevni red kao tačka 3. dnevnog reda, dok se ostale tačke redoslijedom pomjeraju.

Gradonačelnik Grada Tuzle je u poslovničkom roku 12.12.25-e godine, dostavio prijedlog da se u dnevni red današnje 14. redovne sjednice Gradskog vijeća Tuzla uvrsti tačka pod nazivom „Razmatranje i usvajanje Odluke o davanju prethodne saglasnosti na Odluku Javne ustanove za predškolski odgoj i obrazovanje „Naše dijete“ Tuzla, o visini participacije korisnika usluga sa kriterijima za umanjeње“.

Prijedlog gradonačelnika ste dobili putem e-maila, kao i u materijalima podijeljenim pred sam početak sjednice. Međutim, gradonačelnik je u međuvremenu 19.12.2025. godine, obavijestio Gradsko vijeće da povlači prijedlog da dopunu dnevnog reda, te konstatujem da je povučen prijedlog za dopunu dnevnog reda.

Gradonačelnik Grada Tuzle je u poslovničkom roku 12.12.25-e godine, dostavio prijedlog da se u dnevni red današnje 14. redovne sjednice Gradskog vijeća Tuzla uvrsti tačka pod nazivom „Razmatranje i usvajanje Odluke o dodjeli u zakup poslovnih prostorija neposrednom pogodbom Javnoj ustanovi Federalna novinska agencija“.

Prijedlog gradonačelnika ste dobili putem e-mailom, kao i u materijalima podijeljenim pred početak sjednice.

Otvaram raspravu.

Zatvaram raspravu i stavljam na izjašnjavanje prijedlog gradonačelnika.

Molim vas da se izjasnite.

Glasanje je okončano.

Konstatujem da je prijedlog gradonačelnika da se u dnevni red današnje 14. redovne sjednice Gradskog vijeća Tuzla uvrsti tačka pod nazivom „Razmatranje i usvajanje Odluke o dodjeli u zakup poslovnih prostorija neposrednom pogodbom Javnoj ustanovi Federalna novinska agencija“ usvojen sa,

28 glasova za, nije bilo protiv i nije bilo suzdržanih.

Predložena tačka se uvrštava u dnevni red kao tačka 11., dok se ostale tačke redoslijedom pomjeraju.

Gradonačelnik Grada Tuzle je u poslovničkom roku 17.12.25-e godine, dostavio prijedlog da se u dnevni red današnje 14. redovne sjednice Gradskog vijeća Tuzla uvrsti tačka pod nazivom:

„Razmatranje i usvajanje imovinsko-pravnog akta:

- a) Odluka o davanju saglasnosti na opterećenje prava građenja zasnovanog u Poslovnoj zoni „Kreka Sjever“ u Tuzli na nekretnini u vlasništvu Grada Tuzle“.

Prijedlog ste dobili putem e-maila i u materijalima podijeljenim pred početak sjednice, te otvaram raspravu.

Zatvaram raspravu i stavljam na izjašnjavanje pristigli prijedlog od gradonačelnika.

Molim vas da se izjasnite.

Glasanje je okončano.

Konstatujem da je prijedlog gradonačelnika da se u dnevni red današnje 14. redovne sjednice Gradskog vijeća Tuzla uvrsti tačka pod nazivom:

„Razmatranje i usvajanje imovinsko-pravnog akta:

a) Odluka o davanju saglasnosti na opterećenje prava građenja zasnovanog u Poslovnoj zoni „Kreka Sjever“ u Tuzli“ na nekretnini u vlasništvu Grada Tuzle“ usvojen sa, 28 glasova za, nije bilo protiv i nije bilo suzdržanih.

Predložena tačka se uvrštava u dnevni red kao tačka 14. dnevnog reda, dok se ostale tačke redoslijedom pomjeraju.

S obzirom da nema više prijedloga za izmjene i dopune predloženog dnevnog reda, stavljam na izjašnjavanje dnevni red u cjelini i molim vas da se izjasnite.

Glasanje je okončano.

Konstatujem da je dnevni red 14. redovne sjednice Gradskog vijeća Tuzla usvojen sa, 29 glasova za, nije bilo protiv i nije bilo suzdržanih.

## **USVOJENI DNEVNI RED 14. REDOVNE SJEDNICE GRADSKOG VIJEĆA TUZLA ODRŽANE 19.12.2025. GODINE (broj 01/04-A-19219-2025)**

1. Vijećnička pitanja i inicijative
2. Razmatranje i usvajanje:
  - a) Budžeta Grada Tuzle za period 1.1. - 31.12.2026. godine
  - b) Odluke o izvršavanju Budžeta Grada Tuzle za period 1.1. - 31.12.2026. godine
3. Razmatranje i usvajanje nacрта:
  - a) Regulacionog plana prostorne cjeline „Topolica“ u Tuzli
  - b) Odluke o provođenju Regulacionog plana prostorne cjeline „Topolica“ u Tuzli
4. Razmatranje i usvajanje Programa rada Gradskog vijeća Tuzla za 2026. godinu
5. Razmatranje i usvajanje Odluke o dodjeli javnih priznanja u 2025. godine
6. Razmatranje i usvajanje:
  - a) Odluke o raspisivanju javnog oglasa, postupku i utvrđivanju uslova i kriterija za imenovanje Gradskog pravobranioca u Gradskom pravobranilaštvu (sa tekstom Javnog oglasa)
  - b) Rješenja o imenovanju Komisije za provođenje javnog oglasa za imenovanje Gradskog pravobranioca u Gradskom pravobranilaštvu Tuzla
7. Razmatranje i usvajanje Odluke o dopuni Odluke o formiranju Koordinacijske radne grupe za izradu Programa participativnog budžeta u dijelu komunalne infrastrukture
8. Razmatranje i usvajanje:
  - a) Odluke o raspisivanju javnog oglasa za izbor i imenovanje predsjednika i članova upravnih odbora u javnim ustanovama, čiji je osnivač Grad Tuzla (sa tekstom Javnog oglasa)
  - b) Odluke o utvrđivanju posebnih uslova i kriterija za izbor i imenovanje predsjednika i članova upravnih odbora u javnim ustanovama, čiji je osnivač Grad Tuzla
  - c) Rješenja o imenovanju Komisije za izbor predsjednika i članova upravnih odbora u javnim ustanovama, čiji je osnivač Grad Tuzla
9. Razmatranje i usvajanje:
  - a) Odluke o raspisivanju javnog oglasa za izbor i imenovanje članova Nadzornog odbora iz reda državnog kapitala u Javnom preduzeću Razvojno - poduzetnički centar Tuzla - Inkubator „Lipnica“ d.o.o. u Tuzli, čiji je osnivač Grad Tuzla (sa tekstom Javnog oglasa)
  - b) Odluke o utvrđivanju posebnih uslova i kriterija za izbor i imenovanje članova Nadzornog odbora iz reda državnog kapitala u Javnom preduzeću Razvojno - poduzetnički centar Tuzla - Inkubator „Lipnica“ d.o.o. u Tuzli, čiji je osnivač Grad Tuzla

c) Rješenja o imenovanju Komisije za izbor članova nadzornog odbora iz reda državnog kapitala u Javnom preduzeću Razvojno - poduzetnički centar Tuzla - Inkubator "Lipnica" d.o.o. u Tuzli, čiji je osnivač Grad Tuzla

#### 10. Razmatranje:

a) Informacije o provedenom postupku po Javnom oglasu za izbor i imenovanje predsjednika Upravnog odbora iz reda osnivača i člana Upravnog odbora iz reda stručnih radnika zaposlenih u Javnoj zdravstveno - nastavnoj ustanovi Dom zdravlja „Dr Mustafa Šehović“ Tuzla, čiji je osnivač Grad Tuzla

b) Razmatranje i usvajanje Odluke o poništenju postupka izbora i imenovanja predsjednika i člana Upravnog odbora Javne zdravstveno - nastavne ustanove Dom zdravlja „Dr Mustafa Šehović“ Tuzla, čiji je osnivač Grad Tuzla i provođenju ponovnog postupka (sa tekstom Oglasa o poništenju Javnog oglasa i ponovnog Javnog oglasa).

c) Razmatranje i usvajanje Odluke o utvrđivanju posebnih uslova i kriterija za izbor i imenovanje predsjednika Upravnog odbora iz reda osnivača i člana Upravnog odbora iz reda stručnih radnika zaposlenih u Javnoj zdravstveno - nastavnoj ustanovi Dom zdravlja „Dr Mustafa Šehović“ Tuzla, čiji je osnivač Grad Tuzla

d) Razmatranje i usvajanje Rješenja o imenovanju Komisije za izbor predsjednika Upravnog odbora iz reda osnivača i člana Upravnog odbora iz reda stručnih radnika zaposlenih u Javnoj zdravstveno - nastavnoj ustanovi Dom zdravlja „Dr Mustafa Šehović“ Tuzla, čiji je osnivač Grad Tuzla

e) Razmatranje i usvajanje Rješenja o privremenom imenovanju predsjednika i članova Upravnog odbora Javne zdravstveno - nastavne ustanove Dom zdravlja „Dr Mustafa Šehović“ Tuzla

11. Razmatranje i usvajanje Odluke o dodjeli u zakup poslovnih prostorija neposrednom pogodbom Javnoj ustanovi Federalna novinska agencija

#### 12. Razmatranje i usvajanje:

a) Odluke o izmjeni Odluke o načelima, kriterijima i postupku za određivanje naziva ulica, trgova, mostova i parkova na području grada Tuzle

b) Odluke o dopuni Odluke o nazivima naseljenih mjesta, naselja, ulica i trgova na području grada Tuzle

c) Nacrta Odluke o izmjeni Odluke o nazivima naseljenih mjesta, naselja, ulica i trgova na području grada Tuzle

d) Odluke o načinu provođenja javne rasprave o nacrtu Odluke o izmjeni Odluke o nazivima naseljenih mjesta, naselja, ulica i trgova na području grada Tuzle

13. Razmatranje i usvajanje Odluke o dopunama Odluke o visini zakupnine za stanove u vlasništvu Grada Tuzle i stanove na kojima Grad Tuzla ima pravo raspolaganja

#### 14. Razmatranje i usvajanje imovinsko-pravnog akta:

a) Odluka o davanju saglasnosti na opterećenje prava građenja zasnovanog u Poslovnoj zoni „Kreka Sjever“ u Tuzli na nekretnini u vlasništvu Grada Tuzle

15. Razmatranje Informacije o opremljenosti službi zaštite i spašavanja formiranih na području grada Tuzle

16. Razmatranje Informacije o provedenim hitnim interventnim mjerama na sanaciji klizišta

17. Razmatranje Informacije o aktuelnostima u oblasti boračko-invalidske zaštite i ostvarivanju prava pripadnika boračke populacije

18. Razmatranje izvještaja Komisije za izbor i imenovanja

19. Tekuća pitanja.

Prelazimo na realizaciju dnevnog reda današnje 14. redovne sjednice Gradskog vijeća Tuzla:

## **VIJEĆNIČKA PITANJA I INICIJATIVE**

Podsjećam vijećnike da je članom 163. Poslovnika Gradskog vijeća Tuzla – drugi prečišćeni tekst („Službeni glasnik Grada Tuzla 5/22 i 14/24) propisano da se vijećnička pitanja postavljaju pismeno a čitaju se u pravilu na početku sjednice.

Podsjećam vas da jedan vijećnik na jednoj sjednici može postaviti najviše 3 vijećnička pitanja i podnijeti najviše 3 vijećničke inicijative i vijećnik je vijećničko pitanje dužan izlagati u maksimalno tri minute.

Prelazimo na:

## **VIJEĆNIČKA PITANJA**

Vijećničko pitanje. Vijećnik Denis Bećirović. Izvolite.

### **DENIS BEĆIROVIĆ – vijećnik Demokratske fronte – DF**

Hvala predsjedavajuća. Postavljam, odnosno prvenstveno želim da pozdravim vas i sve prisutne u sali. Dakle, danas imam tri vijećnička pitanja.

Dakle, Saobraćaju i komunikacije prve. Tiče se dakle uklanjanja napuštenih i neregistrovanih vozila. Jednom sam to već postavljao.

Zatim uređenje raskrsnice kod Pecare 2.

I treće vijećničko pitanje se odnosi na naplatu štete koju su prčinila maloljetna lica. Dakle, imali smo vanrednu sjednicu. Pričali smo o tome i evo nadam se da ću dobiti odgovor što prije. Hvala.

### **ANA PEJIĆ**

Hvala. Vijećničko pitanje. Vijećnik Admir Hasanbašić. Izvolite. (ADMIR HASANBAŠIĆ – Prilažem). Prilažete. Vijećničko pitanje. Mirza Malkočević. Izvolite.

### **MIRZA MALKOČEVIĆ – vijećnik Naroda i pravde (NIP)**

Hvala predsjedavajuća. Prije svega da pozdravim sve prisutne. Ja imam tri vijećnička pitanja. Predložiti ću dva. Ovo jedno ću evo pročitati, a veže se za Mejdan.

Da li Grad Tuzla može u saradnji sa upravom Sportskog kulturnog privrednog centra Mejdan raditi redovne termine za odigravanje utakmica i treninge Škole rukometa Sloboda, kako bi djeca imala jednake uvjete za takmičenje, razvoj sportskih vještina. Roditelji djece generacije 2011/2012. Škole rukometa Sloboda ukazali su na dva problema vezana na funkcioniranje organizacija aktivnosti u sportskom kulturnom...samo ću govoriti ime... Termin odigravanja utakmica zbog nedostatka termina za domaće utakmice, ekipa je primorana mijenjati domaćinstvo, što može dovesti do službenog porasta i spriječiti plasman na baraž i prvenstveno Bosnu i Hercegovinu. Ovdje moram naglasiti, posebno podcrtati da su naša djeca devet utakmica zaredom morala da igraju u gostima, jer im nije obezbijeđen termin da igraju domaće utakmice. Termini treninga subotom od 7:30 do 8:30. Roditelji navode da je termin često zauzet, što otežava redovne treninge i generacije, a treninzi u KŠC Tuzla nisu dovoljni za pripreme za državno prvenstvo. Pitanjem osiguravanja termina nije samo logički

problem nego ono direktno utječe na razvoj djece, prvenstveno natjecanje i promociju sporta u zajednici. Osiguravanje adekvatnih uvjeta za vježbanje i jačanje imidža grada Tuzla kao zajednice koja podržava mlade sportaše i razvoj sporta. Moramo naglasiti da su naša generacija o kojoj raspravljamo dva puta osvajači Omladinske lige Sjever, dva puta drugi na prvenstvu Bosne i Hercegovine. Imaju 40 pobjeda u nizu. U ligi zasad imaju sve pobjede i trenutno su na prvom mjestu na tabeli. Hvala i molim da mi se urgentno odgovori na ovo pitanje.

**ANA PEJIĆ**

U redu. Vijećnička pitanja moja koja prilažem. Da li još neko ima vijećničkih pitanja? Vijećnik Mirnes Ajanović. Izvolite. (MIRNES AJANOVIĆ – Prilažem). U redu. Da li još neko ima vijećničkih pitanja? Vijećnik Omer Berbić. Izvolite. (OMER BERBIĆ – Priložit ću). Dobro. Dalje. Dragana Berberović. Izvolite.

**DRAGANA BERBEROVIĆ GAGRO – vijećnik Naše stranke**

Hvala. Imam vijećničko pitanje. Znači, da mi se dostavi odgovor:

Utrošak sredstava od naknade za rad Termoelektrane Tuzla na mjere smanjenja aerozagađenja. Znači, koliko je iznos sredstava koji je u tekućoj i prethodnoj budžetskoj godini planiran i realizovan iz naknade od rada Termoelektrane Tuzla, a koji je konkretno utrošen na mjere poboljšanja kvaliteta zraka i smanjenja aerozagađenja na području grada Tuzle?

I još jedno imam vijećničko pitanje. Da li je predložena alternativna lokacija pijace nakon provođenja urbanističkog plana Topolice? Molim konkretan i jasan odgovor nadležne gradske službe u ovome. To je to.

**ANA PEJIĆ**

U redu. Vijećnik Mensur Mujezinović. Izvolite.

**MENSUR MUJEZINOVIĆ – vijećnik Nezavisne liste „Sloboda“**

Ja ću jedno priložiti, jedno ću pročitati.

Vijećničko pitanje za sva javna preduzeća i ustanove u gradu Tuzla. Da li u javnim preduzećima i ustanovama u Tuzli je u smislu mjera zaštite, a u skladu sa važećim propisima Federacije Bosne i Hercegovine iz oblasti zaštite na radu, socijalne zaštite i zaštite od požara, tehničke i fizičke zaštite izrađena procjena rizika i elaborati zaštite, te da li su provedene i dokumentovane sve propisane mjere zaštite kako slijedi? Zaštite od požara i ispravnost protivpožarnog sistema, aktivne dojave u slučaju požara, ispravnost hidrantske mreže i ispravnost PP aparata. Da li postoji adekvatan plan evakuacije i vidljivost tog plana sa jasno označenim smjernicama evakuacije? Da li je funkcionalna rasvjeta za nuždu panik rasvjeta? Da li su provedene obuke zaposlenih i redovine vježbe evakuacije? Da li je tehnička sigurnost objekta osigurana kroz ispravne elektroinstalacije, poštivanje zabrane otvorenog plamena i funkcionalan video nadzor? Da li na radnim mjestima čuvar, portir ili zaštitar, rade osobe certificirane od strane Federalnog MUP-a? Da li u skladu sa propisanim zakonima za sve gore navedeno, a što je bilo u obavezi, vršen, redovan i obavezan periodični pregled ispitivanja i testiranja i da li za to navedene ustanove imaju propisane tragove odnosno zapisnike? Ukoliko ima, tražim da mi se dostave kopije bar za proteklu i tekuću godinu. Tražim da odgovor bude potpun i da mi se dostavi do iduće sjednice Gradskog vijeća.

## **ANA PEJIĆ**

Zahvaljujem se. Da li još neko ima vijećničkih pitanja? Vijećnik Senad Mehmedinović. Izvolite. (SENAD MEHMEDINOVIĆ – Priložit ću ja). U redu. Da li još neko ima vijećničkih pitanja? Nema.

Prelazimo na:

### **VIJEĆNIČKE INICIJATIVE**

Vijećničke inicijative. Vijećnik Emir Šahović. Izvolite. (EMIR ŠAHOVIĆ – Prilažem). U redu. Vijećnička inicijativa. Vijećnik Denis Bećirović. Izvolite.

## **DENIS BEĆIROVIĆ**

Hvala predsjedavajuća. Evo za vijećničke dvije inicijative.

Dakle, za narednu godinu inicijativa za pripremu dokumentacije za izgradnju Padel terena u Tuzli. Dakle, jedna nova sportska disciplina, poddisciplina, tako reći, koja evo uzima maha i u našoj državi.

I druga inicijativa se veže za završetak radova u ulici 18. Hrvatske brigade u naselju Irac. Dakle, tu imamo na terenu da je izvršena rekonstrukcija drvoreda i pješačke staze, ali od pješačkog prelaza, dakle, koji tu dolazi okomito na tu stazu, nemamo prelaza, dakle, ulazimo sa travnate površine na pješački prelaz, pa da završimo i to. Hvala.

## **ANA PEJIĆ**

Zahvaljujem se. Vijećnička inicijativa. Vijećnica Ajla Kuluglić. Izvolite.

### **AJLA KULUGLIĆ – vijećnik SDA – Stranke demokratske akcije**

Evo prvo da pozdravim sve prisutne kolege vijećnike. Ja ću samo pročitati. Dakle, inicijativa se odnosi na asfaltiranje dijela lokalnog puta u naselju Solina, koji se uključuje sa glavne cesti na adresi Alidina Mustabašića Linde broj 5, i nastavlja dalje na adresi Veljka Lukića Kurjaka. Eto.

## **ANA PEJIĆ**

U redu. Vijećnička inicijativa. Vijećnik Muhamed Čikarić. Izvolite. (MUHAMED ČIKARIĆ – Prilažem). U redu. Vijećnik Dejan Kovačević. Vijećnička inicijativa. Izvolite.

### **DEJAN KOVAČEVIĆ – vijećnik HDZ – BiH Hrvatske demokratske zajednice Bosne i Hercegovine**

Hvala predsjedavajuća. Evo prije svega da pozdravim sve prisutne, prije svega vas presjedavajuću, zamjenike presjedavajuće, tajnika Gradskog vijeća, gradonačelnika, kolegice i kolege vijećnike, predstavnike službi Gada Tuzla, sve prisutne goste, predstavnike medija.

Evo za danas, ja ću pročitati i obrazložiti jednu vijećničku inicijativu. Pročitat ću naslov druge, ostale prilažem.

Prva vijećnička inicijativa se odnosi i prilažem za promjenu naziva ulice koja se trenutno vodi pod nazivom 115. HVO brigade.

A u obrazloženju ću navesti da u Mjesnoj zajednici Solina se nalazi ulica pod nazivom 115. HVO brigade koja se proteže od velikog raskrižja, to je skretanje za naselje, za naselje Novo naselje Solina i proteže se prema Gazprom, benzinskoj crpki, a koja trenutno nosi pogrešan naziv pomenute brigade. Stoga podnosim vijećničku inicijativu da se ulica koja se trenutno vodi pod nazivom 115. HVO brigade naziv promijeni u ispravan i puni naziv brigade, tj. ulica 115. brigade Zrinski HVO. Za one koji ne znaju, 115. brigada Zrinski HVO bila je brigada Hrvatsko vijeće obrane s područja Tuzle. Prva je postrojba iz Tuzlanskog područja koja je branila našu domovinu Bosnu i Hercegovinu. Za sve vrijeme svog postojanja branila je našu domovinu i usko surađivala s Armijom Bosne i Hercegovine. Čuvali su područje pod zonom odgovornosti Drugog korpusa Armije Bosne i Hercegovine. Ljudstvo brigade činili su postrojbe unovačenim vojnicima s područja općina Tuzla, Lukavac, Živinice, Banovići i Drijenča-Čelić. Navedena izmjena potrebna je radi povijesne i činjenične točnosti očuvanja identiteta postrojbe, te dostojanstvenog obilježavanja njezina službenog naziva. Potrebno je i postavljanje novih ploča s nazivom ulice, budući da su postojeće oznake uklonjene, zbog čega građani, dostavne službe i združene službe imaju poteškoće o pronalasku ove ulice na području Mjesne zajednice Solina. Nepostojanje vidljivih i službenih oznaka stvara praktične probleme o svakodnevnom funkcioniranju stanovnika, te je nužno da se u najkraćem mogućem roku postave nove i jasno vidljive i službene ploče s ispravnim nazivom ulice, te molim nadležne službe Grada Tuzle, stručni tim za određivanje naziva ulica i trgova na području grada Tuzle, Službu za komunalne poslove, izgradnju i poslove mjesnih zajednica Grada Tuzla, gradonačelnika i Ureda gradonačelnika Grada Tuzle, da u što kraćem vremenskom roku izvrše procjenu i poduzmu potrebne aktivnosti, te za realizaciju ove inicijative.

Druga inicijativa se odnosi za uklanjanje fizičke barijere za invalidska okolica i izgradnju invaldiske rampe u ulici Vladimira Nazora do broja 18, na prelazu asfaltnog platoa ispred zgrade prema završetku šetnice koja se nalazi u istoj ulici. Ostalo prilažem. Hvala.

## **ANA PEJIĆ**

U redu. Vijećnička inicijativa. Vijećnik Admir Hasanbašić. Izvolite. (ADMIR HASANBAŠIĆ – Prilažem). U redu. Vijećnička inicijativa. Vijećnik Denis Bećirović. Izvolite. Ovo je vaša, a vi ste imali na početku, samo ste dole predali. U redu. U redu. Vijećnička inicijativa moja i od Jasmina Gavranovića. Prilažemo. Vijećnik Mirza Malkočević. Inicijativa. Izvolite.

## **MIRZA MALKOČEVIĆ**

Hvala predsjedavajuća. Evo ja imam tri. Jedna po meni od najvažnijih od kako smo ušli u Vijeće, to je apel Vladi Tuzlanskog kantona da hitno planira i izdvoji namjenska sredstva za rješavanje problema vodosnabdijevanja na području grada Tuzla. Na osnovu dostupnih informacija o ukupnom kreditnom zaduženju Tuzlanskog kantona u iznosu od gotovo 40 miliona maraka namijenjenog finansiranju kapitalnih investicija širom kantona, kao i ranijih izdvajanja za projekte vodosnabdijevanja u pojedinim gradovima i općinama, zahtijevamo da Vlada Tuzlanskog kantona hitno planira i izdvoji namjenska sredstva za rješavanje problema vodosnabdijevanja na području grada Tuzle. Iako su sredstva iz kreditnog zaduženja Tuzlanskog kantona, kao i ranijih budžetskih izdvajanja planirana i izdvojena za projekte vodosnabdijevanja u Lukavcu i Žvnicama. U Žvnicama, mislim da je 10 miliona maraka. Za grad Tuzla, koji broji najviše stanovnika u TK-a nisu predviđene niti jasno definira...na posebna sredstva. Uprkos činjenici da je 2025. godine postoje mjesne zajednice koje još uvijek nemaju pristup tekućoj vodi, koja je osnovno ljudsko pravo i svakodnevna

potrebna, neophodna za zdravlje, higijenu i dostojanstven život, dugotrajno uskraćivanje prava na vodu direktno ugrožava kvalitet života građana u Tuzli i produbljuje socijalne nejednakosti. Nužno je da Vlada Tuzlanskog kantona hitno uključi Tuzlu u planiranje i finansiranje projekta vodosnabdijevanja, kako bi građani imali jednake osnovne uslove za život, s obzirom na to da se kreditna sredstva planiraju za vodne projekte na nivou kantona, opravdano je da grad Tuzla i njegove mjesne zajednice budu ravnopravno uključene u planiranje i realizaciju osnovnih investicija, tražimo jasno definisana transparentna namjenska izdvajanja za izgradnju i na unapređenje vodovodne infrastrukture u onim dijelovima Tuzle gdje voda još uvijek nije dostupna. Pozivamo Vladu Tuzlanskog kantona da pitanje vodnosnabdijevanja Tuzle prepozna kao prioritet i hitno, te da konkretnim odlukama i ulaganjima osigura osnovne uslove za život svojih građana.

Druga inicijativa odnosi se na završetak preostale dionice puta na pravcu Rasovac - Breške. Na osnovu dosadašnjih aktivnosti na terenu infrastrukturnog cestovnog napretka na pravcu Rasovac - Breške iniciram što skorije završetak preostale dionice puta, a imajući u vidu njene posebne, njen poseban strateški značaj za šire područje grada Tuzle. Ova dionica predstavlja ključnu saobraćajnu vezu kojom se direktno povezuje pet mjesnih zajednica, čime se unapređuje svakodnevna dostupnost i sigurnost kretanja stanovništva i funkcionalna povezanost prostora. Dodatno, završetak puta otvara značajan turistički potencijal ovog kraja s obzirom na prirodne ljepote, planirano odmaralište i prateći sadržaj koji omogućavaju razvoj izletničkog, rekreativnog i ruralnog turizma. Ulaganje u ovu dionicu ne predstavlja samo infrastrukturni zahvat već i dugoročno razvojno ulaganje koje doprinosi lokalnoj ekonomiji, jačanje zajednice i održavanju, održivom razvoju. Trebamo samo ovdje, hoću da naglasim da su već građani s područja tih mjesnih zajednica svojim sredstvima već jedan veliki dio odradili, tako da mislim uz pomoć Grada Tuzle i svih mjesnih zajednica da možemo, ovaj, to završiti.

I evo treću inicijativu samo ću pročitati. Vijećnička inicij... Provođenje sveobuhvatne provjere ispunjenosti zakonskih obaveza ove zaštite od požara i zaštite na radu svim javnim ustanovama i institucijama na području grada Tuzle. Cilj ove inicijative nije represija već prevencija unapređenje sigurnosti, zakonitosti rada i stvaranje sigurnog okruženja za sve zaposlene korisnike javnih usluga. S toga tražimo da se nakon izvršenih provjera sačini izvještaj sa preporukama na nalazima za otklanjanje eventualnih nedostataka u zakonskim propisima i rokovima. Hvala.

**ANA PEJIĆ**

Zahvaljujem se. Vijećnička inicijativa. Vijećnica Dragana Berberović. Izvolite. Molim vas Mirza samo mikrofona da isključite. Izvolite Dragana.

**DRAGANA BERBEROVIĆ GAGRO**

Hvala predsjedavajuća. Evo ovako, ja imam vijećničku inicijativu za dodjelu naziva ulicama koje trenutno pripadaju Fočanskoj ulici. U naselju koja administrativno pripada Fočanskoj ulici postoje više ulice i odvojaka koji se granaju iz Fočanske ulice, a koji nosi isti naziv. Fočanska ulica uz oznake poput Fočanska do broja 1 ili Fočanska bb. Na terenu je evidentno da više domaćinstava nema jasno definisane kućne brojeve. Veći broj kuća ima adresu Fočanska bb ili Fočanska do 1, dolazi do stalne zabune prilikom dostave pošte, hitnih intervencija, hitna pomoć, vatrogasci, policija, dolaska komunalnih službi, kao i kod administrativnih postupaka građana, lični dokumenti, katastar, komunalne usluge. Cilj ove inicijative je uvođenje reda u adresni sistem, olakšavanje svakodnevnog života građana,

povećanje sigurnosti i efikasnosti hitnih i komunalnih službi, usklađivanje stanja na terenu s važećim propisima i dobrim upravnim praksama. To je jedno.

Imam još jedno pitanje. Još jednu inicijativu za hitnim sistemskim rješenjem stanja parkiranja u gradu Tuzli. Stanje parkiranja u gradu Tuzla potpuno je neuređeno i haotično do te mjere da se ne može govoriti o sistemskom kolapsu, a da se može govoriti o sistemskom kolapsu, a ne pojedinačnim problemima. Trenutno gotovo ni jedna javna institucija nema obezbijeđen parking za svoje korisnike. Građani su primorani da se snalaze, parkiraju nepropisno ili da odustaju od dolaska u institucije. Privreda i poduzetništvo trpe direktnu štetu, jer klijenti nemaju gdje parkirati. Centar grada je zagušen, a odgovornost se konstantno prebacuje s jedne službe na drugu. Ovako stanje je neprihvatljivo za administrativno univerzitetski kantonalni centar kakav je, kakav Tuzla želi biti, pa predlažem da se ovo uredi.

**ANA PEJIĆ**

U redu. Vijećničke inicijative. Vijećnik Mirnes Ajanović. Izvolite. (MIRNES AJANOVIĆ – Prilažem). Dobro. Vijećnik Senad Mehmedinović. Vijećničke inicijative. Senada nema. Da li još neko ima vijećničke...Vijećnik Omer Berbić. Izvolite. (OMER BERBIĆ – Priložit ću i ja). U redu. Da li još neko ima vijećničke inicijative? Nema.

S obzirom da smo...S obzirom da smo iscrpili i vijećnička pitanja i vijećničke inicijative, dajem pauzu od 30 minuta.

(Pauza).

Nastavljamo sa radom sjednice.

#### **Razmatranje i usvajanje:**

**a) Budžeta Grada Tuzle za period 1.1. - 31.12.2026. godine**

**b) Odluke o izvršavanju Budžeta Grada Tuzle za period 1.1. - 31.12.2026. godine**

Predlagač: gradonačelnik Grada Tuzla.

Obrađivač: Služba za budžet i finansije.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica, Komisija za mlade, obrazovanje i sport i klubovi vijećnika.

Podsjećam vijećnike da su u materijalu dobili i Mišljenje Ministarstva finansija Tuzlanskog kantona, broj D-07/1-11-037059-1/25 od 17.12.25-e godine, o usklađenosti planiranih prihoda i primitaka i planiranog tekućeg bilansa iskazanih u prijedlogu Budžeta Grada Tuzle za 26-u godinu, sa članom 33. stav 2. i članom 43. stav 1. Zakona o budžetima u Federaciji Bosne i Hercegovine.

Da li ima potrebe za uvodnim izlaganjem? Ima. Jel ima ili nema? (Nema). Nema.

Da li ima potrebe da se pročitaju izvještaji komisija? (Nema). Nema.

Otvaram raspravu klubova vijećnika.

Vijećnica Svjetlana Kakeš, pa vijećnik Mirnes Ajanović.

## **SVJETLANA KAKEŠ – vijećnik SDP – Socijaldemokratske partije Bosne i Hercegovine**

Hvala predsjedavajuća i evo koristim priliku da pozdravim sve prisutne na sjednici. U ime Kluba vijećnika SDP-a želim izraziti podršku i čestitat gradonačelniku i gradskim službama na pripremi i izradi najvažnijeg dokumenta za funkcionisanje Grada, prijedloga budžeta za 26-u godinu.

Svi znamo da je priprema i planiranje budžeta veoma kompliciran i zahtjevan proces, da je to najvažniji zadatak lokalne uprave u toku jedne kalendarske godine, jer predstavlja osnovu provođenja lokalnih politika u toku jedne budžetske, odnosno kalendarske godine. Imajući u vidu da je budžet odraz lokalnih javnih politika, jasno je zbog čega postoji značajan interes javnosti za mnoga pitanja koja se tiču budžeta. Građani žele da znaju i odlučuju o tome kako će se trošiti novac i zato je važno što su gradonačelnik i gradske službe proveli opsežnu javnu raspravu, ne samo na način da je nacrt budžeta objavljen na web stranici Grada, nego i putem organizovanja pojedinačnih rasprava sa određenim interesnim grupacijama, sa savjetima mjesnih zajednica, organizacijama civilnog društva, javnim preduzećima, ustanovama i sl., sa predstavnicima građana, kao i sa samim građanima koji su izrazili interes.

Iz dokumenata koje smo dobili, naročito iz informacije o provedenoj javnoj raspravi, vidljivo je da je značajan broj prijedloga inicijativa proizašlih iz javne rasprave uvaženi i da čine sastavni dio dokumenta budžeta. Vjerujem da će ostale koje nisu mogle naći mjesta u ovom dokumentu vjerovatno biti uzete u razmatranje u nekom budućem periodu. Što više onih koji pripremaju budžet uzmu u obzir javne interese i što se više ostvari komunikacija s građanima, njihovim predstavnicima i svim korisnicima, to je kvalitet budžeta veći. Bolja komunikacija s javnošću u identifikaciji prioriteta je odlučujući faktor, ali je gotovo isto važno znati te javne interese iznesene u procesu javne rasprave, pretvoriti u programe koji će doprinijeti zadovoljavanju potrebi što većeg broja korisnika. Naše je mišljenje da su gradonačelnik kao predlagatelj i nadležne službe upravo to i postigli. I tako smo došli do, u pravom smislu te riječi participativnog prijedloga budžeta za 26-u godinu. Pored toga, budžet koji imamo pred sobom je po svim karakteristikama i razvojni i socijalni.

Kao što smo i u toku rasprave o nacrtu pretpostavili, prijedlog budžeta za 26-u godinu u odnosu na nacrt veći za oko 14,2 miliona, odnosno za skoro 17% i iznosi 98.872.231 marku. Najveći dio uvećanja u odnosu na nacrt se odnosi na prenesene rezervacije, odnosno na započete projekte i aktivnosti iz 25-e, negdje oko 10,5 miliona, a preostali dio se odnosi na uvećanje prihoda po osnovu primjeni tekućih kapitalnih transfera viših nivoa vlasti, međunarodnih organizacija, što je dobrim dijelom i odraz angažmana gradskih službi, uz podršku pretpostavljam i Razvojne agencije TRAG. Znači, rezultat je većeg angažmana na obezbjeđenju sredstava iz drugih izvora. Koliko smo ovdje vidjeli informaciju, to se odnosi na 300.000 od Tuzlanskog kantona za rasvjetu i oko 600.000 za unapređenje sportske infrastrukture. Dio uvećanja se odnosi na planirane povećane prihode po osnovu prikupljanja poreza, prije svega poreza na nepokretnosti, što opet govori o pojačanim aktivnostima nadležnih službi, kojima su stvoreni preduslovi za povećanje prometa u ovoj oblasti.

Kad govorimo o razvojnem karakteru budžeta, tu prije svega mislimo na izdvajanje za finansiranje projekata komunalne infrastrukture, koja iznose 38,56%, što se zapravo zadržava na nivou kako smo u zadnje vrijeme i navikli da je to oko 40% budžeta. I ova sredstva su takođe u odnosu na nacrt uvećana za skoro 30%. Gotovo da nema oblasti u okviru planiranja sredstava za finansiranje komunalne infrastrukture, a koja je naravno u nadležnosti Grada, koja nije obuhvaćena i za koju nisu planirana sredstva za nastavak ulaganja. Ne bih ja sad ovdje komentarisala pojedinačne stavke, vjerujem da će se u narednim diskusijama kolege i kolegice vijećnici dotaći konkretnih projekata.

Ipak želim skrenuti pažnju na stavku koja se odnosi na izdatke za troškove javnog linijskog prevoza putnika, koja je planirana u iznosu od 4,4 miliona, što je znatno manje od

prvobitno planiranog iznosa o kojem se razgovaralo kad se pristupalo donošenju odluka vezanih za ovu problematiku. Ova činjenica još jednom potvrđuje ispravnost i značaj donošenja odluka vezanih za jedan od više decenijskih gorućih problema iz nadležnosti lokalne samouprave.

Prvi podaci su ohrabrujući, a nadamo se da će se na osnovu njih moći omogućiti i dodatno unapređenje organizacije gradskog prevoza, otvaranjem novih linija, odnosno povećanje frekventnosti na postojećim linijama, jer su građani pokazali veliki interes za korištenje javnog prevoza i vjerujemo da će taj interes biti još veći i u narednom periodu. Ovo je još jedan pokazatelj, konkretan pokazatelj ispravnosti odluka organizacije javnog gradskog prevoza, koje smo kao Gradsko vijeće na prijedlog gradonačelnika donijeli u prethodnom periodu.

Kad govorimo o razvojnoj komponenti, drago nam je da su ispoštovani zaključci sa prethodnih sjednica Gradskog vijeća i da su uvećana sredstva za rad određenih javnih ustanova i javnih preduzeća, od čega bih posebno izdvojila obezbjeđenje sredstava za prijem novih uposlenika u Centar za socijalni rad i odnosno jačanje njihovih kapaciteta i dodatnih 170.000 maraka u odnosu na nacrt za Javnu ustanovu „Naše djete“, što je ukupno iznosi 3.170.000 maraka iz budžeta Grada za transfer za rad obdaništa, čime su stvorene pretpostavke za manje opterećenje dijela cijene boravka djece koju plaćaju roditelji.

Pored toga u budžetu su planirana i dodatna kapitalna sredstva, oko 80.000 za opremanje i otvaranje novog obdaništa u Simin Hanu, što je takođe pohvalno za jačanje kapaciteta u ovoj oblasti. Tu su još i uvećanja transfera za Sportsko Kulturno Privredni Centar Mejdan i Gradski stadion Tušanj, čime će biti unapređeni uslovi za korištenje njihovih kapaciteta za razvoj sporta, prije svega za trenažni proces.

Što se tiče izdvajanja sredstava za Dom penzionera, kao Klub vijećnika SDP-a smo u dva navrata na sjednicama Vijeća, u maju kad smo razmatrali izvještaj u oktobru ove godine, kad smo razgovarali o nacrtu budžeta, tražili da se planiraju odgovarajuća sredstva u budžetu za unapređenje uslova boravka korisnika u ovoj Ustanovi i to je, koliko se ja sjećam, pretočeno i u zaključke Gradskog vijeća. Svjesni smo da sredstva koja su u ovom dokumentu planirana 30.000 za kapitalne izdvajanja i 70.000 za tekuća, pa ni u 110.000 ili 112.000 interventnih sredstava za koje su Kolegij Gradskog vijeća i Kolegij gradonačelnika ranije donijeli odluku nakon tra... (ANA PEJIĆ – Samo malo mikrofona. Ja sam slučajno pritiska. Nastavite). Aha. Jel u redu? Da ta sredstva, znači nisu ni izbliza dovoljne za sanaciju štete i za unapređenje uslova boravka korisnika. Međutim, s obzirom da imamo informacije o tome da na osnovu projektne i druge dokumentacije koje su radile gradske službe, viši nivoi vlasti namjeravaju obezbijediti sredstva za finansiranje obnove i kompletne rekonstrukcije. U ovom momentu je važno da su otvorene odnosno da postoje pozicije i stavke u budžetu i da su obezbijeđena početna sredstva koja mogu biti iskorištena za eventualno sufinansiranje, za izradu dodatne projektne dokumentacije ili sl. A kad imamo utvrđene budžetske pozicije, jednostavnije će se moći ako bude potrebno, obezbijediti i dodatna sredstva iz budžeta Grada, preraspodjelom ili na neki drugi zakonom propisani način, ukoliko ne dođe do realizacije obećanih donacija.

U svakom slučaju pratit ćemo ovu situaciju kao Klub, a vjerujem i kao Vijeće i reagovati u okviru eventualnog rebalansa ili na drugi zakonom propisan način, ukoliko se ukaže potreba za izdvajanjem dodatnih sredstava.

Kad govorimo o razvojnoj komponenti, drago mi je da su planirana uvećana sredstva u odnosu na ovu godinu za tekuće transfere za finansiranje projekata iz poduzetništva. Koliko sam vidjela, negdje oko 15 miliona sredstava se odnosi na ekonomski razvoj, gdje posebno izdvajamo izdvajanje, povećano izdvajanje za projekte iz oblasti poduzetništva za podršku privatnim preduzećima i poduzetnicima, za aktivnu politiku zapošljavanja i za poticaj poljoprivredne proizvodnje.

Posebno podržavamo povećanje izdvajanja za jednokratne pomoći korisnicima boračko-invalidske zaštite i za rad organizacije udruženja iz oblasti BIZ-a. To je naša moralna i ljudska obaveza. Činjenica je da su i potrebe pripadnika boračke populacije kako vrijeme protiče sve veće, bilo zbog ekonomske situacije u državi, bilo zbog pogoršanja zdravstvenog stanja dijela pripadnika ove populacije do kojeg dolazi i samim biološkim procesom starenja pripadnika, da ne govorimo o naraslim potrebama ratnih vojnih invalida.

Ono što je karakteristika svih dosadašnjih budžeta Grada Tuzle je socijalna osjetljivost i podrška svim marginaliziranim grupama, a posljednjih par godina je značajnija, u stvari više od par godina, značajnija podrška osobama treće životne dobi i mladima. Tako i u budžetu za 26-u godinu imamo uvećana izdvajanja za Narodnu kuhinju, za Merhamet, za Sigurnu kuću Vive žene, za Crveni križ Grada Tuzle i za projekat Tuđe njege i pomoći, kao i za rad vijeća mladih, ali isto tako i za kulturne i sportske manifestacije, što kao Klub također podržavamo. (ANA PEJIĆ – Molim vas vodite računa samo o vremenu). Evo dvije, tri rečenice.

Klub podržava i uvećana izdvajanja za Civilnu zaštitu, naročito za nabavku odgovarajuće opreme za vatrogasce, kao i za održavanje skloništa, za podršku dobrovoljnim vatrogasnim društvima i sl. Posebno bih istakla novu, odnosno, dvije nove pozicije, tri od kojih se izdvajaju dvije u okviru Civilne zaštite, gdje se sad ranija pozicija za subvencioniranje popravke zajedničkih dijelova zgrada razdvaja na dvije pozicije i sada imamo poziciju posebno za uklanjanje arhitektonskih barijera od 100.000 i osim toga još oko 400.000 za sufinansiranje nužnih popravki na zajedničkim dijelovima. Znači, sve u svemu nije jednostavno analizirati ovaj cjelokupan budžet. Radi se o zaista kompleksnom dokumentu, ali još teže je bilo onima koji su ga pripremali, pokušali obuhvatiti sve potrebe, zahtjeve i inicijative, kako one koje su zakonom propisane, tako i one koje su proširene djelatnosti, nadležnosti, ali su u funkciji unapređenja kvaliteta života građana i to je i jest krajnji cilj rada i djelovanja kako gradonačelnika, gradskih službi, javnih preduzeća i ustanova, tako i nas vijećnika.

Iz toga će Klub SDP-a glasati za usvajanje budžeta u formi u kojoj je predložen, kao i za odluku o izvršavanju budžeta.

**ANA PEJIĆ**

Zahvaljujem se. Sljedeći za riječ javio se vijećnik Mirnes Ajanović. Izvolite.

**MIRNES AJANOVIĆ – vijećnik BOSS – Bosanske stranke**

Hvala. Pozdrav svima, još jednom. Evo kako dođoh u Vijeće vrati se. Jedan mandat sam preskočio, tako je bilo kako je bilo. Kako kaže narod, zamal 100 miliona budžet. 98.872.231,07. Stoja. Okruglo. Još kad bude stojadin i hajmo dalje, jer i on je nekako nekad bio prestiž.

Hajde, ovo je dobro povećanje, al dijelom rezultat prenesen je iz sredstava i suficita iz prethodne godine. I zato ovaj budžet ne treba posmatrati samo kao finansijski dokument, nego kao test sposobnosti Grada, uključujući Gradsku upravu i nas, da ranije planiramo što planiramo i zaista realizujemo. Evo ova oblast komunalne infrastrukture nije ovdje samo onako usputna, niti izolovana. Ona je ovo kroz dakle više tih budžetskih ciklusa, inicijativa, kontinuiteta, pa, što da ne, treba i reći ide i u javnu raspravu da se zna, da ne ispadne da mi sjedimo onako i mojih vijećničkih inicijativa, prijedloga, kritika, diskusija i svega što je dešavalo se u proteklih eto četvrt stoljeća, pa evo i ovih godinu dana zadnjih. Sanacije ulica, trotoara, svi infrastrukturni zahvati po mjesnim zajednicama, komunikacije, opreme, sve se to sistemski otvaralo svih ovih godina, a opet uključujući ovu proteklu godinu, koja još uvijek u

stvari nije u toku, al još malo. E, dakle, rješavali smo planski, a ne ad hoc, ne ono kad baš treba, nego unaprijed se razmišljalo šta treba. Ono što ne treba jeste marka na marku. Ja ću se uvijek zalagati da to ukinemo. Neko će to iz ovih rubnih mjesnih zajednica shvatiti da mi njima oduzimamo pravo da to oni nešto urade sebi prije, to je obmana. To je direktno protivno Zakonu o zabrani diskriminacije BiH i dio građana i veći dio građana ne mora ništa platiti za komunalnu infrastrukturu, za ulicu, za slično, a dio građana mora platiti i onda kad plate, nekad znaju godinama čekati dok se to realizuje. To, marka na marku, mora biti ukinuto. I oni imaju ista prava kao i svi i ne smije biti niko diskriminiran na bilo kakav način, pa ni ovim marka na marku. Razumijemo kao, hajmo mi skupit da bi napravili, hajte se vi skupiti ako treba doći ovdje, pa ćemo mi tražiti da se to realizuje, a već evo sve je bolje i bolje stanje, a nego da bude nešto što je diskriminacija, ja sam direktno protiv toga i moram. Opet, naravno, u izbornoj kampanji za ovaj mandat, dao sam preko 150 tačaka kako poboljšati uslove života građana Tuzle. I nije to bilo politička parola, nego direktan, kako bi rekao naš drug doktor operativni zahtjev.

Evo vidi se da je danas veći dio tih tačaka realizovan, dio je u fazi realizacije, dio je ugrađen i ovaj budžet, zahvaljujem se gradonačelniku što je svaki put kada se to predlagalo, uzimao u obzir sve i moje i diskusije koleginica i kolega i prijedloge, inicijative, prijedloge zaključaka i sve što smo radili, uključujući vijećnička pitanja. I evo ovo što sam ja uradio kao opozicija, koja nekad zna bit i pozicija, zavisno od toga gdje smo svi, u stvari u interesu grada. Ako je to u interesu što radimo, ja sam u poziciji. Ako nije, uvijek ću biti u opoziciji. Evo hvala svima ostalim kolegama iz opozicije. Mi konstruktivno to radimo na način da čak nešto što bi mogli iskoristiti pa na samoj sjednici Vijeća, bukvalno udariti vlast argumentima i činjenicama. Pa i danas je bio jedan takav slučaj, kolega Senad je umjesto da ovdje poentira, tamo rekao ono što je bilo bitno i na osnovu toga što je on iznio, svi su se složili, pa i gradonačelnik, što pokazuje da dakle nema zlonamjernosti da radimo svi na način da budemo korisni i to dosad nije bilo u ovom Vijeću. U svim ovim mandatima ovih četvrt stoljeća prije. Sad ovaj mandat je potpuno drugačiji. Ja vjerujem da svi dijele moje zadovoljstvo da je danas čast biti u ovom Vijeću koje funkcioniše na takav način. Svi smo mi i pozicija i opozicija, zavisno od toga šta odakle dolazi i šta treba da uradimo u interesu građana. Dakle, vidi se da smo evo te tačke već i realizovali, prijedlozi su bili utemeljeni, realni, usmjeren na potrebe građana.

Podržavam ovo što je sada u budžetu, uvijek naravno može biti bolje, kvalitetnije. Kada bi sve nas pitali, kada bi pravili taj budžet, al on je ovakav sada kakav je. Ima evo dinamiku, prioritet, ravnomjernu realizaciju po mjesnim zajednicama, ali mora biti bolje, jer građani to osjećaju dal budžet živi u smislu da postoji u njihovim mjesnim zajednicama.

Ovo je otvoren dokument i mi smo uobičajili da faktički imamo skoro svaki drugi mjesec rebalans. Tako će biti, ja vjerujem i naredne godine da će se prilagođavati i ovaj budžet stvarnim potrebama i svemu onome što mi budemo imali kao prijedlog ili naiđemo kao zahtjev od strane građana. Negdje moramo iznenadno, brzo, hitno reagovati kao što je bilo za rješavanje problema javnog gradskog saobraćaja, pa su se iznašla i rješenja više milionska, ali smo riješili i taj problem i evo naravno podrška svih nas za ovu realizaciju.

Imam ovih par prijedloga. Jedan je prijedlog da se prihvati naravno uz, evo da bude definisano, dostavit ću ne mora se pisati.

Gradsko vijeće prihvata prijedlog budžeta za 2026. godinu uz konstataciju da je komunalna infrastruktura jedna od ključnih budžetskih oblasti u kojoj su uvažane inicijative i diskusije vijećnika i potrebe građana.

Gradsko vijeće traži da se realizacija projekata komunalne infrastrukture vrši prema jasno utvrđenim prioritetima, s ravnomjernom zastupljenošću više, svih mjesnih zajednica.

Gradsko vijeće obavezuje nadležene službe da najmanje dva puta godišnje podnesu izveštaje o realizaciji komunalnih projekata sa posebnim osvrtom na projekte koji su proizašli iz vijećničkih inicijativa i prijedloga građana.

Imam još jednu diskusiju za Sportsko društvo Sloboda. Ostavit ću kad budem kao vijećnik, da sada ne bude previše. Toliko. Hvala.

**ANA PEJIĆ**

Zahvaljujem se. Sljedeći za riječ javio se vijećnik Senad Mehmedinović. Izvolite.

**SENAD MEHMEDINOVIĆ – vijećnik Nezavisne liste „Sloboda“**

Poštovana predsjedavajuća, zamjenice predsjedavajuće, kolege vijećnici, gradonačelnice, predstavnici službi, medija, građani koji nas gledate, sve vas srdačno pozdravljam.

Raspravljamo o najbitnijem, jednom od najbitnijih dokumentata za Grad Tuzlu. Ja sam u ime Kluba iznosio svoje mišljenje na nacrtu budžeta, tako da ću sad isto iznijeti mišljenje po pitanju prijedloga budžeta.

Ukupan budžet, kao što smo mogli da vidimo je 98 miliona. Rast u odnosu na nacrt je oko 14 nekih miliona ili 16%. Planiran suficit iz 2025. godine je 10 miliona. Drago mi je što se može vidjeti u prijedlogu budžeta, da je određeni rast budžeta na osnovu transfera i donacija. Pa imamo veliki transfer sa federalnog nivoa, preko 3 miliona Konvertibilnih maraka. Porezni prihodi su stabilni. Dakle, možemo da kažemo da su oni bez dramatičnih nekih skokova. Kad su u pitanju rashodi, može se vidjeti što je i očekivano, da su povećani tekući rashodi u smislu i plata i doprinosa. Projekat u smislu rashoda i infrastruktura možemo da kažemo da on jest kapitalni, zato što imamo veliki broj infrastrukturnih projekata koji se realizuju na nivou grada Tuzle. Veliki dio sredstava takođe odnosi se na prenesene obaveze i projekte, al mislim da dobar dio projekata hajde da tako kažem možda grubo, ali pod navodnim znacima da kasni, a svi znamo da je problem kašnjenja jeste Zakon o javnim nabavkama na koji ne može ni Grad Tuzla ni bilo ko od nas da utiče. Oni su takvi kakvi jesu, al mi je drago da je na prošloj sjednici usvojen zaključak i ja vjerujem da će to biti praksa ubuduće da mi budžet usvojimo do 31., kako bi službe mogle da se pripreme za javne nabavke raspišu i onda na vrijeme da nam dolaze projekti i da to ne kasni.

Jedno pitanje imam ovaj za predstavnika Komunalne službe, može pismeno dostavit. Dakle, tamo u jednom dijelu ovih, ne obrazloženja nego prijedloga budžeta vidim da ima ekonomski kod koji se odnosi na uklanjanje arhitektonskih barijera i tu je iznos nula. Pa me zanima o čemu se tu radi i zbog čega je nula Konvertibilnih maraka, obzirom da sam i na nacrtu budžeta isto komentarisao, pa nemam odgovor i tu su mi određene nejasnoće.

Kad su u pitanju kapitalni projekti iz budžeta prijedloga budžeta, može da se vidi da su tu prioritet putna infrastruktura, što je logično, javna rasvjeta, vodovod i kanalizacija. Meni je drago i ovdje ću sad dati jedan prijedlog zaključka.

Drago mi je što smo vodili neke razgovore, odnosno što je Klub vijećnika NL Sloboda u ovom mandatu potencira priču oko izgradnje Ambulante u Simin Hanu. Mi smo nedavno davali određene izjave za medije koje je inicirao kolega Mensur Mujezinović vezano za stanje Ambulante u Simin Hanu i problemi koji su trebali tada da se dese, al smo odreagovali, nije se desilo na način da je bilo predviđeno da građani iz Simin Hana idu u Ambulantu Slavinoviće. Dakle, to se odreagovalo, imali smo određene sastanke i drago mi je da će u ovoj narednoj godini u roku od dva mjeseca se uraditi idejni projekat za izgradnju Ambulante u Simin Hanu. I s tim u vezi, prijedlog zaključka je sljedeći:

Zadužuje se Služba za komunalne poslove da u roku dva mjeseca u saradnji sa nadležnim službama pripremi idejni projekat neophodan za izgradnju Ambulante u Simin Hanu. Ovaj prijedlog zaključka je prijedlog koji je rezultat konsultacija koji smo mi imali i rezultat inicijativa koju je podnosio Klub vijećnika NL Sloboda, a sve za potrebe građana i mještana mjesne zajednice Simin Han.

Dalje, ono što je pohvalno, a što nije bila praksa, a to je učešće građana od 20% za lokalne puteve. Dakle, mi smo imali prije situaciju i u prošlom mandatu to i Mensur dobro zna da smo mi čak išli i sa prijedlogom da se ukine ovih 20%, zato što su građani čekali godinama da se uradi put. Dobra je praksa da se više ne čeka na izgradnju ovih puteva pod uslovom da se sredstva od 20% moraju da uplate, mislim, do sredine jedanaestog mjeseca kako bi to bilo uvršteno u prijedlog budžeta za narednu godinu. Tako da, pošto nas građani slušaju i gledaju, svi projekti po pitanju participacije građana u iznosu od 20% koji dođu do jedanaestog mjeseca, sredine jedanaestog mjeseca, mogu da očekuju, nego će ti projekti biti realizovani u narednoj godini i to je veoma pohvalno da se više ne čeka. Da li će slučajno neko imati prioritet po pitanju nečeg ili ne, ovdje se odnosi prema svima jednako i to je izuzetno pohvalno za gradonačelnika i Gradsku upravu.

Takođe, kad su pitanju kapitalni projekti, a misli se na ove transfere sa federalnog nivoa, drago mi je da iznos preko tri, tri i po miliona Konvertibilnih maraka, imaju kolege ovdje koji se više bave ovim stvarima, ali vidimo da će biti investiranja u Mejdan i to je u Kuglanu, zatim sanacija atletske staze, sanacija sportskih podova i fino je ovdje se može vidjeti da je za investiciono održavanje zgrada će biti izvojeno oko 700.000 Konvertibilnih maraka, al govorili smo da trebaju sredstva ta da budu upravo zbog one situacije koju smo imali na Ircu, da moramo da imamo kako bi se to investiralo.

Kada su u pitanju javne ustanove, može se vidjeti da su obezbjeđena sredstva za Centar za socijalni rad, Dom zdravlja i tako dalje, al mi je drago da je prijedlog zaključka koji smo mi predložili, a to je da se poveća transfer za rad RTV7 Tuzla i vidimo da su sredstva povećana u iznosu od 120.000 Konvertibilnih maraka, a ovdje se moram samo nadovezat da bi bilo možda dobro da u rebalansu budžeta povećamo, malo povećamo sredstva generalno za medije, ne mogu sad da se sjetim, mislim da je otprilike 60.000-70.000 Konvertibilnih maraka predviđeno budžetom, bilo bi dobro da se poveća taj iznos, jer evo vidimo i ovdje na kraju krajeva da dobar dio medija dolazi i prati ovaj rad Vijeća i ono što je dobro, mediji, bar u ovom sazivu, ne razlikuju poziciju i opoziciju. Uzimaju se izjave od jednih i drugih i to je naravno pohvalno. Projekat gdje prije nije bio, a to je u smislu inkluzivnosti, pa možemo da kažemo dijelom da je budžet inkluzivan, na način da 200.000 Konvertibilnih maraka je izdvojeno za takozvane taktilne staze ili taktilne linije vođenja.

I s tim u vezi imam prijedlog zaključka, a to je da se zadužuje Služba za komunalne poslove da realizaciju ovih aktivnosti, u zagradi možete staviti Slađana taktilnih staza, provedu u saradnji sa relevantnom institucijom, radi osiguranja stručne utemeljenosti, funkcionalnosti i usklađenosti taktilnih linija s potrebama osoba sa oštećenjem vida i važećim standardima pristupačnosti. To je to prijedlog zaključka. Takođe (ANA PEJIĆ - Molim vas, samo vodite računa o vremenu). Kolko je ostalo još? (ANA PEJIĆ - Još minutu imate). Dobro, evi ad bude, samo recite. Drago mi je što je sad kao posebna stavka uklanjanja arhitektonskih barijera u zgradama i taj iznos je od stotinu hiljada Konvertibilnih maraka. I znate, ovi vijećnici koji su u prošlom sazivu, da kad je usvojena ta inicijativa koju sam predložio ja, da sam bio pod strahom da li će se predstavnici etažnih vlasnika i osobe s invaliditetom prijavljivati uopšte na taj poziv. I ovo se pokazalo dobrim projektom na način da mi imamo dovoljan broj onih koji se kandiduju za ove projekte kako bi se prilagodio pristup populacije osoba s invaliditetom u zgradama.

Transfer nevladinim organizacijama povećan za 140.000 Konvertibilnih maraka i obzirom da sam ja lično imao pitanje zašto su neke organizacije koje su bile u budžetu

izbačene, pa evo možda radi javnosti da kažemo da je to zbog smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine. Dakle, to nije nešto što je Gradsko vijeće donijelo, to je nešto što je sa viših nivoa došlo.

I evo još jedan prijedlog zaključka imam, a to je u vezi RSD Sloboda i on glasi, u slučaju da RSD Sloboda ostvari pravo na dodjelu sredstava po osnovu provedenog javnog poziva, obavezuje se da nakon doznake sredstava iznos od 50.000 Konvertibilnih maraka prebaci Ženskom nogometnom klubu Sloboda 2024. To je kao i prošle godine što smo...Hvala ljepo.

**ANA PEJIĆ**

Zahvaljujem se. Sljedeći za riječ javio se vijećnik Šefik Husić. Izvolite. Možete samo mikrofon Senade. Izvolite. Izvinjavam se. Replika Svjetlana Kakeš. Replika vijećniku Senadu Mehmedinoviću. Izvolite.

**SVJETLANA KAKEŠ**

Ma, zapravo, hvala, zapravo i nije replika nego možda malo pojašnjenje ako sam ja dobro shvatila Senadu, a do toga sam se i ja dotakla u diskusiji u ime Kluba.

Ova pozicija subvencioniranje troškova sanacije zajedničkih dijelova zgrada je za ovu godinu nula. Prošle godine je bila 160.000 i zapravo je ona pretočena u ove dvije nove pozicije za uklanjanje arhitektonskih barijera 100.000 i za sufinansiranje zajedničkih dijelova zgrada 400.000. Znači, umjesto 160.000 koje smo odnosno koje su građani imali na raspolaganju u prote...odnosno u ovoj sad tekućoj godini odnosno u prošlom budžetu, sad će imati na raspolaganju ukupno 500.000, a ova pozicija stoji nula samo zato što je morala radi ove analize biti ovdje predložena.

**ANA PEJIĆ**

U redu. Replika. Vijećnik Senad Mehmedinović. Izvolite.

**SENAD MEHMEDINOVIĆ**

Hvala kolegici. Ma ne, ja sam mislio tamo jer jedna je stavka gdje kaže uklanjanje arhitektonskih barijera vezano za trotoare, a sasvim je druga stavka ekonomski kod tamo bio vezano za uklanjanje arhitektonskih zgrada barijera u zgradama. Dakle, dva su ekonomska različita koda bila. Ovaj jedan smo imali. Drugi, jednostavno tamo piše nula. Sad ovo što je kolegica obrazložila, super, još bolje, mislim to je meni drago.

**ANA PEJIĆ**

U redu. Diskusija. Vijećnik Šefik Husić. Izvolite.

**ŠEFIK HUSIĆ – vijećnik SDA – Stranke demokratske akcije**

Hvala predsjedavajuća. Ja bi također da onaj pozdravim sve prisutne.

Što se tiče budžeta kako ide ovo godina za godinom, novog gradonačelnika, sve je to naravno bolje. Budžet u samom iznosu znači zacrtanom kad pogledamo ovako laički, rekli bi da su to neka velika sredstva onaj međutim moje mišljenje je da za ovaj grad su to nedostatna

sredstva, obzirom koliko onaj zahtjeva i potencijalnih znači problema koje su u nadležnosti Grada onaj koje treba sanirati onaj i finansirati. Ovaj budžet uglavnom znači bazirao se na dalji napredak onaj u gradu u svakom smislu i onaj to pohvaljujemo.

Što se tiče Kluba Stranke demokratske akcije mi ćemo svakako ovakav budžet onaj podržati. Poželim ćemo gradonačelniku znači da svaki, svaka naredna godina onaj donese znači nova sredstva i da ovaj budžet ako bog da znači bude najmanje za deset puta veći, jer tad u suštini znači mogu se podmiriti potrebe i ovo sve što mi generalno i kao vijećnici imamo želje i onaj zahtjeve za realizaciju određenih projekata.

Međutim, nisam mislio dalje diskutovati, ali obzirom da smo dobili ovu pozivnicu gdje kaže da nam je izuzetna čast i zadovoljstvo pozvati vas na svečanost povodom 106 godina postojanja RSD-a Sloboda i ovaj znak Slobode iza onaj ono šta u ovom budžetu sam zapazio, a to je da izdvajanja za sport znači, a konkretno ono šta mene interesuje je Fudbalski klub Sloboda i svi ovdje koji sjede i oni koji su sjedili u prošlom Vijeću, pa neki su bili pozicija, neki opozicija onaj vrlo glasni su bili onaj po pitanju Fudbalskog kluba Sloboda, a danas je taj Fudbalski klub koji ima znači veliku onaj tradiciju i svi mi to znamo, nije više Premijer ligaš onaj i o tome se evo ne govori i ne diskutuje ništa. Ovom prilikom ja bi onaj zamolio sve nas, naročito gradonačelnika da u nekom narednom periodu povedemo malo više računa znači o Fudbalskom klubu Sloboda i da pokušamo znači svi zajedno ponovo se uključiti znači ono gdje Grad ima nadležnost onaj i gdje može u suštini u skladu sa zakonom pomoći da se ovaj Fudbalski klub osnaži i da Slobodu vratimo znači u Premijer ligu, tako da onaj ovom prilikom evo molim da u narednoj godini onaj budemo malo glasniji svi zajedno onaj kao vijećnici po ovom pitanju, a da onaj svakako kažem gradonačelnik ima razumijevanje da krenemo u pravcu oporavljanja znači Fudbalskog kluba koji je zaista jedan od jako bitnih simbola ovog grada, ne samo u nekom post-ratnom nego i prije ratnom periodu. Hvala.

## **ANA PEJIĆ**

Zahvaljujem se. Sljedeći za riječ javio se vijećnik Mirel Mišković. Izvolite.

## **MIREL MIŠKOVIĆ – vijećnik Demokratske fronte – DF**

Pozdravljam vas predsjedavajuća. Danas je pred nama budžet Grada Tuzla za period 1.1. - 31.12.2026. godine. Ovaj budžet podržava razvojnu komponentu budžeta sa nizom projekata, kao i njegovu socijalnu stranu. Vidimo u budžetu da su uvećana izdvajanja na kodu Crvenog križa, koji se bavi njegom starijih osoba, što nam govori da budžet je sa istaknutom socijalnom komponentom.

Također, ovom budžetu podržavamo i širenje mreže i toplifikacije sa posebnim naglaskom na mjesne zajednice koje okružuju Termoelektranu Tuzla.

Pozdravljamo, evo kao što su kolege prije mene rekle i sredstva koja su namijenjena za investiciono održavanje zgrada, jer vidimo da je to baš, baš ovaj velika potreba.

Što se tiče ovog sporta, mi bi evo obratili pažnju posebno na sportski jedan klub malog fudbala to je Sloboda Kompred. Znači, evo svi pričaju o velikom fudbalu o drugim nekim evo, ja hoću da kažem da je ovo jedan vrlo zdrav i uzoran kolektiv i okuplja dosta mladih i volio bi da se u ovoj tranši koja ide za RSD Slobodu izdvoje malo značajnija sredstva i za mali fudbal Sloboda Kompred.

Takođe, volio bi da dobijem malo detaljniju informaciju o izgradnji Astronomskog observatorija Polaris na lokalitetu Majevice-Zeleni Kamen. Taj projekat košta oko 400.000 maraka. Dobro znamo da su ta sredstva povučena od Vlade Federacije, da se sada očekuje neko učešće od Grada Tuzla da participira u tom projektu kako bi ga mogli da realizujemo. Pa evo, bilo bi lijepo znati u kojoj fazi je taj projekat? Da li

možemo očekivati njegovu realizaciju u idućoj godini evo, ko bude davo nam odgovore na ovaj budžet, da mi da neke ove informacije o ovom izgradnji ovog observatorijima Polaris. Oni koji ne znaju, to je jedan vrlo značajan projekat i bili bi prvi grad možda na Balkanu koji bi imao observatoriju i bili bi po tome baš, baš prepoznatljivi.

Dalje, mi smo prilikom rasprave o budžetu kao Klub vijećnika DF-a dali prijedlog i to je još i više puta usvojeno i kroz druge rasprave u vidu zaključaka i inicijativa, a vezano za znavljanje opreme u Odjelu Sportske medicine u Javno Zdrastavno Nastavnoj Ustanovi Dom zdravlja „Dr. Mustafa Šehović“, a koji iznosi oko 33.500 KM-ova i taj prijedlog je išao i kao prijedlog iz rasprave o budžetu Grada Tuzla. Evo, mi gledajući budžet, našli smo i kod 614329-33 tekući transferi za Dom zdravlja od 73.600 KM, pa bi htjeli da se u okviru tog koda naznači kroz zaključak i ovaj prijedlog za znavljanje opreme za Sportsku medicinu u iznosu od 33.500 (SLAĐANA KRAJINA – Samo malo). Može. Može. Da se u okviru koda 614329-33 tekući transferi za Dom zdravlja naznači prijedlog za znavljanje opreme za Sportsku medicinu u iznosu od 33.500 KM. Pa evo, molio bih predlagaga da, da kad bude davo ovaj odgovore na budžet, da se očita i po ovom našem prijedlogu i zaključku.

Evo ništa više. Mi ćemo ovaj budžet kao Klub Demokratske fronte na kraju podržati. Hvala.

## **ANA PEJIĆ**

Zahvaljujem se. Sljedeći za riječ javio se vijećnik Omer Berbić. Izvolite.

## **OMER BERBIĆ – vijećnik Naše stranke**

Hvala ljepo. Mi ćemo kao Klub Naše stranke podržati ovaj budžet. Mislimo da je interesantan budžet u smislu da ima dosta novih stvari i da ima dosta stvari na kojima se trenutno radi, na kojima se treba raditi naravno što bolje i što jače. Mi ćemo podržati budžet. Jako nam je drago da prvi put u istoriji vidimo da će se dati 50.000 maraka za sanaciju fasada u centru grada. Ovo je strateški projekat i isključivo je za centar grada zato što vidimo da mi kroz centar grada moramo zaista hodati, ja bih rekao s kacigama. Ovo će biti jedna vrsta subvencije građanima koji posjeduju nekretnine da idu u znavljanje fasada da grad bude estetski ljepši i kvalitetniji, al naravno da bude i sigurniji za sve one naše građane, za sve naše građane i to je jedna od inicijativa na kojima je Naša stranka gradila svoje politike i na kojim će nastaviti naravno da gradi svoje politike. Naravno ovo od 50.000 maraka ja bih rekao pilot projekat. Svjesni smo mi cijena i svjesni smo da 50.000 maraka može recimo riješiti jednu ili dvije fasade, ali ukoliko se on pokaže kao uspješnim, očekujemo puno veće i puno kvalitetnije projekte vezano za ovo konkretno.

Zanima me, prošli put na budžetu smo imali sanaciju fasade Kina Centar, odnosno sanaciju Kina Centra i vidio sam da su još određeni novac doznačen, tako da bi volio evo nadležnu službu za to da nam pismeno odgovori šta se dešava sa Kinom Centar i dokle smo došli sa tim projektom, jer se on već najavljivao da će ići u određenu vrstu rekonstrukcije, jer je to kao što znamo nacionalni spomenik i na ponos svih nas treba da bude, a mi evo sada iz Gradske vijećnice možemo pogledat Kino Centar koje je u ruševnom stanju.

Što se tiče samog budžeta, vidimo da ide više novca za plate, to je naravno sasvim ok. Znamo koliko idu troškovi života i ljudi koji rade trebaju naravno da mogu da se prehrane, da imaju sve one ostale stvari koje svako, svako, svako, ovaj svako ko radi treba da ima. Međutim, mi smo ovdje na početku ovog samog zasjedanja dobili odgovore na vijećnička pitanja Dragane Berberović Gagro, gdje se vidi da mnogi direktori imaju ogromne plate tako da bi ja, evo pošto pričam o budžetu i o rastu plata i tako dalje, ja bi dao jedan zaključak ovdje koji nadam da će se usvojiti, a to je da Gradsko vijeće traži da niti jedan direktor ne smije imati višu

platu od gradonačelnika. Mi znamo koliko gradonačelnik radi i znamo koliko je težak i odgovoran taj posao i mi vidimo da imaju direktori koji zaista ja pretpostavljam da imaju veće plate od gradonačelnika, tako da bi evo ovo volio u formi zaključka da usvojimo i da na idućim izvještajima to da se ispoštuje kao tako.

Dalje. Što se tiče kapitalnog granta koji ide JZNU „Mustafa Šehović“ Dom zdravlja, ja ću ispred Kluba, a to je inicijativa naše kolegice tražiti, odnosno predložiti zaključak da Gradsko vijeće Tuzla traži od JZNU Dom zdravlja „Mustafa Šehović“ Tuzla, da od tekućeg transfera u visini od 73.000 odvoji, odnosno iskoristi 38.000 za...38.000 za rekonstrukciju Odjeljenja ginekologije, a da se na idućem rebalansu razmotri da se novac u iznosu koji je potreban za planirane projekte Doma zdravlja poveća, kako bi oni već mogli je li iskoristiti taj novac za planirane projekte. A ono što bi ovdje isto želio da kažem jeste da je kolegica Dragana razgovarala sa predstavnicima Doma i da će ona ukoliko bude potrebne podrške, pokrenuti jednu vrstu inicijative da se Ginekologija sanira i da Ginekologija bude puno ljepše mjesto nego što sada jeste.

Ja generalno evo podržavam, odnosno mi podržavamo većinu dosadašnjih diskusija i mislimo da se ide u jednom dobrom pravcu što se tiče samo budžeta i evo za nadat je se da će od tekućih transfira sa viših nivoa vlasti, sa viših instanci doći puno veći novac za Grad Tuzlu, te ćemo na rebalansu moći usvojiti opet novi rekordni budžet. Eto, toliko od nas. Hvala ljepo.

**ANA PEJIĆ**

Zahvaljujem se. Replika. Vijećnik Zlatan Mehmedović, pa replika vijećnik Mirel Mišković. Izvolite.

**ZLATAN MEHMEDOVIĆ – vijećnik SDP – Socijaldemokratske partije  
Bosne i Hercegovine**

Pa ništa. Ja bih kratko replicirao. Mislim da moramo biti oprezni kod ovih zaključaka vezano za direktore javnih preduzeća, jer govorimo o direktorima i platama gradonačelnika, da nam se ne bi desila situacija da pomoćnici direktora imaju veću platu od samog direktora ili je situacija koju imamo u Kantonu da isto direktori ne smiju imati veću platu od premijera, pa nam se desi situacija da direktor recimo ne znam u Kliničkom centru ima na 180-u platu po redu u rangi unutar ustanove. Tako da evo, zbog toga ako se već nešto želi da se ograniči, onda ljudi neće da budu direktori, hoće da budu šefovi i nešto drugo unutar preduzeća, jer će kao direktor jel imati manju platu, tako da, eto zato kažem mislim da to ne treba s tim onaj se zalijetati, nego treba dobro analizirati prije nego se bude išlo u tom smijeru.

**ANA PEJIĆ**

Replika. Mirel Mišković, pa onda ćete vi, pošto su obje replike vama usmjerene. Hoćete...Kako god. Evo. Izvolite onda. Omer Berbić, pa Mirel Mišković.

**OMER BERBIĆ**

A ništa. Hvala ljepo. Evo usvajam i ovaj prijedlog da se ograniče i plate pomoćnika direktora i da ne mogu biti veće od direktorskih plata, niti šefova i da to ulazi evo u sastavni dio zaključka i takođe saglasan sam da se mogu medicinske ustanove ovaj izdvojiti iz ovog zaključka, kao što znamo evo ovaj, ne bi trebalo ići u to da recimo doktor ima veću

platu od direktora. Al što se tiče ostalih preduzeća i institucija, mislim da je ovo opravdano u svakom mogućem aspektu. Eto. Hvala lijepo.

**ANA PEJIĆ**

Zahvaljujem se. Replika. Vijećnik Mirel Mišković. Izvolite.

**MIREL MIŠKOVIĆ**

Replika mom kolegi Omeru Berbiću. Mislim dobronamjerna je replika. Htio bi ja ovaj njegov zaključak, formu ovog njegovog zaključka da iskoristim za formu onog svog zaključka. Eto, ništa više. Mislim isti su zaključci samo su druge ove stavke.

**ANA PEJIĆ**

U redu. Evo dajem riječ gradonačelniku, gospodinu doktoru Zijadu Lugaviću. Izvolite.

**ZIJAD LUGAVIĆ – gradonačelnik Grada Tuzla**

Kako vi kažete, ispravka krivog navoda, ni jedan ni drugi zaključak nisu u skladu sa zakonom.

Da predložim ja treći zaključak. Obzirom da Grad Tuzla izdvaja 73.600 kao tekući grant Domu zdravlja u skladu sa zakonskim obavezama da izdvojimo, moj je prijedlog da se napravi zaključak da se iz sredstava tekućeg poslovanja Doma zdravlja, jer mi im sad dajemo dodatna sredstva, izdvoje sredstva od 30.000 Konvertibilnih maraka za nabavku opreme u Sportskoj medicini i 38.000 Konvertibilnih maraka za rekonstrukciju Odjeljenja ginekologije. Eto, samo dakle, iz tekućih sredstava poslovanja Doma zdravlja, dakle njihov osnovni prihod.

**ANA PEJIĆ**

U redu. Za riječ se javio vijećnik Nedžad Jusić. Izvolite.

**NEDŽAD JUSIĆ – nezavisni kandidat – nacionalna manjina**

Hvala predsjedavajuća. Poštovane kolege, kolegice, gradonačelnice i drugi, evo, mnoge kolege su dosta toga rekli kada je u pitanju budžet grada Tuzla za 2026. godinu. Ja želim samo nakratko da se osvrnem da i u toku 2026. godine udruženja nacionalnih manjina će imati podršku kroz pomenuti budžet, kao i u prethodnim godinama i to je dobro i mislim tako da se treba nastaviti u narednom periodu. Također je vrlo važno da, evo, u budžetu ponovo imamo iz godine u godinu finansijska sredstva za ostvarivanje prava na zdravstvenu zaštitu za sve građane grada Tuzle, koji nisu osigurani po drugom osnovu. Mislim da smo jedni od rijetkih gradova na kraju krajeva u Bosni i Hercegovini gdje smo prepoznali tu potrebu građana i evo iz godine u godinu se odvajaju finansijska sredstva i za ovu godinu je predviđeno ako sam dobro vidio, a jesam 170.000 maraka ovaj za te namjere i siguran sam u tome da ćemo doći do nekog boljeg vremena kada budu nadležne institucije kantona preuzele tu ulogu, jel to je njihova i zakonska između ostalog obaveza, ali evo mi smo zbog građana između ostalog odvojili ta finansijska sredstva da nam građani ne ostanu bez zdravstvene zaštite i siguran sam u tome da ćemo nastaviti u narednom periodu. Ne bi se ponavljao kolege su dosta toga rekle

vezano za ove druge socijalne komponentu. Pored toga ostale su jednokratne novčane pomoći i druge pomoći ugroženim kategorijama u gradu Tuzla.

Takođe, ova komponenta kad je u pitanju komunalna infrastruktura nastaviti će se raditi sigurno kao i prethodnih godina i sa još većim tempom i ja bih samo htio možda s ovim ću završiti. Tačno je to da je budžet otprilike nekih oko 100 miliona maraka ako se ja ne varam prvi moj mandat u Vijeću, ne znam više koje godine je bilo negdje 48 miliona je bio budžet, ali mislim, to je moje skromno mišljenje to ipak ekonomski stručnjaci će bolje ovaj procijeniti i da tih 48 miliona maraka su bili itekako vrijedne, možda vrednije nego ovih 100 miliona maraka, al evo, na kraj krajeva, gradonačelnik sa svojim službama uspijevaju sa ovom inflacijom, sa ovim finansijskim sredstvima da urade dosta toga i ja kao vijećnik Jusić Nedžad ću podržati ovaj budžet. Hvala.

## ANA PEJIĆ

Zahvaljujem se. Da li se još neko javlja ispred klubova vijećnika?

Zaključujem diskusiju klubova vijećnika.

Otvaram diskusiju vijećnika.

Vijećnik Mirnes Ajanović. Izvolite.

## MIRNES AJANOVIĆ

31.05.2014. evo Sloboda vratila se u Prvu ligu. Imao sam tu značajan doprinos i želim da kažem. Organizovao sam sastanak i gradonačelnika tada i obezbijedili smo da Ćiro preuzme. Bio sam kod Senada prije ovog meča sa Igmanom kada smo 3:0 dobili i vratili se Bihać, ja. Jedinstvo – Bihać, ja. I vratili se u Prvu ligu, pa je on to dogovorio da prenosi i taj meč, bilo mu zanimljivo. Pa smo opet ispali. Pa se opet u šestom mjesecu 24-e vratili i sad nam uzeli licencu. 106 godina je puno. Al nije samo Fudbalski klub Sloboda. Sloboda je i sve ostalo. I dobar naziv. I oni samo ako ih gledamo kao budžetske korisnike, griješimo. Nije ovo samo jedno sportsko udruženje, društvo koje 106 godina predstavlja identitet Tuzle. Ko voli ili ne voli sport, više manje, ali svi volimo to da smo Sloboda. Nosimo dakle kontinuitet sportskog života grada. Okuplja se veliki broj sportista, trenera, djece, mladih, različite sportske grane. Svega ima. Neko nešto i kritikuje. Negdje nešto nije dobro. Negdje kažu Mensur to dobro zna. Hoćeš da budeš negdje u upravi nemoj me nikako gurati u to. Samo belaji. Al valja postojati. Valja, ja. I opet kad daješ pare, kaže Mensur, ovako valja davati. Džaba, opet nešto fali. Rupa, ja. Nije baš možda bez dna, al jest sa dubokim dnom. Ostali su neki dugovi. Između ostalog, trebalo bi te dugove i rješavati. Nije korektno da zbog zastare ljudi koji su ostvarili neka prava ostaju bez tih prava. Pa sam ja to već kroz inicijative, da ne opterećujem Vijeće poduzeo. Predložio. Pa ćemo vidjeti. Ako bude trebalo, možemo kasnije i kroz same zaključke Gradskog vijeća. E sad. U svemu ovome što pričamo o Slobodi, mi imamo u budžetu smanjenje budžetskih primanja za Slobodu. I to jeste problem. Definitivno. Mi smo raspravljali kao Komisija za...Statutarna komisija za...Komisija za statutarna pitanja i propise na sjednici. I zauzeli smo stav, evo ovdje su i zaključci, svi ste ih dobili. Pitali smo, ispitivali, potrošili smo dosta vremena raspravljajući o ovoj tački. Pa i propitujući samog predstavnika koji je komisiji prezentirao budžet i zaključili da bi na prvom rebalansu trebalo da se obezbijedi dostatni dio sredstava kako ne bi bar bili u nepovoljnoj poziciji. Treba im to za takmičarske sezone, za održavanje osnovnih programskih aktivnosti, omladinske selekcije. Faktički za redovno funkcionisanje. Nije ovo luksuz. Ovdje je minimalni standard rada. Ako ne bude taj minimalni obezbijeđen, neće biti posljedice samo finansijske, nego dugoročne, gubitak kadra, pad kvaliteta, dodatno urušavanje sporta u Tuzli, a vidimo koliko je to u cijelom svijetu bitno, pa i

profitabilno, al eto kod nas iz ovih okolnosti tako kako je. Dakle, i komisija je to uradila, imamo prijedlog i komisije, pa i prijedlog zaključaka.

Gradsko vijeće Tuzla konstatuje da su Prijedlogom Budžeta Grada Tuzle za 2026. godinu planirana sredstva za RSD Sloboda Tuzla umanjena u odnosu na prethodni period, što može ugroziti redovno funkcionisanje i održavanje minimalnog standarda rada ovog Sportskog društva.

Gradsko vijeće Tuzla zadužuje gradonačelnika i nadležnu službu da u prvom rebalansu Budžeta Grada Tuzle za 2026. godinu obezbijede dodatna sredstva za RSD Sloboda, najmanje do nivoa koji omogućava nesmetan rad i realizaciju osnovnih sportskih programa. Ovaj zaključak donosi se u skladu sa zaključkom Komisije za statutarna pitanja i propise Gradskog vijeća Tuzla. Može se staviti od 18.12.2024. godine, te u cilju zaštite javnog interesa u oblasti sporta i očuvanja sportskog identiteta Grada Tuzle. Eto. Toliko. Hvala.

## **ANA PEJIĆ**

Zahvaljujem se. Da li se još neko javlja od vijećnika za riječ? Nema.

Zaključujem diskusiju vijećnika i stavljam na izjašnjavanje...Gradonačelniče, hoćete li vi sad il...U redu.

Stavljam na izjašnjavanje Prijedlog Budžeta Grada Tuzle za period 1.1. – 31.12.2026. godine i molim vas da glasate.

Glasanje je okončano.

Konstatujem da je Budžet Grada Tuzle za period 1.1. – 31.12.26-e godine usvojen sa, 28 glasova za, nije bilo protiv i nije bilo suzdržanih.

Sada stavljam na izjašnjavanje Prijedlog Odluke o izvršavanju Budžeta Grada Tuzle za period 1.1. - 31.12.2026. godine i molim vas da se izjasnite.

Glasanje je okončano.

Konstatujem da je Odluka o izvršavanju Budžeta Grada Tuzle za period 1.1. - 31.12.2026. godine usvojena sa,

28 glasova za, nije bilo protiv i nije bilo suzdržanih.

Slađana, hoćete li pročitati zaključke? Hoćete zaključke pojedinačno ili zajedno da se glasa? (Pojedinačno). Pojedinačno. U redu. Molim vas Slađana pojedinačno zaključke.

## **SLAĐANA KRAJINA – sekretar Gradskog vijeća Tuzla**

Prijedlog prvog zaključka:

- Gradsko vijeće Tuzla konstatuje da je komunalna infrastruktura jedna od ključnih budžetskih oblasti u kojoj su uvažene inicijative i diskusije vijećnika i potrebe građana. Gradsko vijeće Tuzla traži da se realizacija projekata komunalne infrastrukture vrši prema jasno utvrđenim prioritetima, sa ravnomjernom zastupljenošću svih mjesnih zajednica.

## **ANA PEJIĆ**

Molim vas da se izjasnite o pročitanoj zaključku.

Glasanje je okončano.

Konstatujem da je pročitani zaključak usvojen sa, 29 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Prijedlog drugog zaključka:

- Gradsko vijeće Tuzla obavezuje nadležne službe da najmanje dva puta godišnje podnesu izvještaj o realizaciji komunalnih projekata sa posebnim osvrtom na projekte koji su proizašli iz vijećničkih inicijativa i prijedloga građana.

**ANA PEJIĆ**

Molim vas da se izjasnite o pročitanoj zaključku.

Glasanje je okončano.

Konstatujem da je pročitani zaključak usvojen sa,

27 glasova za, nije bilo protiv i 1 suzdržan.

**SLAĐANA KRAJINA – sekretar Gradskog vijeća Tuzla**

Sljedeći prijedlog:

- Gradsko vijeće Tuzla zadužuje Službu za komunalne poslove, izgradnju i poslove mjesnih zajednica da u roku od 2 mjeseca, u saradnji sa nadležnim službama, pripremi idejni projekat neophodan za izgradnju ambulante u Simin Hanu.

**ANA PEJIĆ**

Molim vas da se izjasnite o pročitanoj zaključku.

Glasanje je okončano.

Konstatujem da je pročitani zaključak usvojen sa,

29 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Sljedeći prijedlog:

- Gradsko vijeće Tuzla zadužuje Službu za komunalne poslove, izgradnju i poslove mjesnih zajednica da realizaciju aktivnosti (taktilnih staza) provedu u saradnji sa relevantnom insitucijom radi osiguranja stručne utemeljenosti, funkcionalnosti i usklađenosti taktilnih linija sa potrebama osoba sa oštećenjem vida i važećim standardima pristupačnosti.

**ANA PEJIĆ**

Molim vas da se izjasnite o pročitanoj zaključku.

Glasanje je okončano.

Konstatujem da je pročitani zaključak usvojen sa,

29 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Sljedeći prijedlog:

- Zadužuje se Radničko sportsko društvo „Sloboda“ Tuzla da, u slučaju da ostvari pravo na dodjelu sredstava po osnovu provedenog javnog poziva, nakon doznake sredstava iznos od 50.000,00 KM prebaci Ženskom nogometnom klubu „Sloboda 2024“.

**ANA PEJIĆ**

Molim vas da se izjasnite o pročitanoj zaključku.  
(SENAD MEHMEDINOVIĆ – Ja se izvinjavam). Izvolite Senade. Slađana, jel može samo mikrofona? Izvolite Senade. Ovo je svakako vaš zaključak.

**SENAD MEHMEDINOVIĆ**

Jel možemo samo dodat minimalno 50? (SLAĐANA KRAJINA – Može). E hvala.

**ANA PEJIĆ**

Hoćemo se onda ponovo, molim vas samo da ponovo izjasnimo. (SLAĐANA KRAJINA – Hoćete ponovo da pročitam zaključak?). (Ne morate). Ne treba ponovo da se izjašnjavate?

Pročitani zaključak je usvojen sa,  
29 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Sljedeći prijedlog:

- Gradsko vijeće Tuzla sugeriše menadžmentu Javne Zdravstveno Nastavnoj Ustanovi Dom zdravlja „Dr. Mustafa Šehović“ Tuzla da se iz sredstava tekućeg poslovanja izdvoji 33.500,00 Konvertibilnih maraka za završavanje opreme Centra za sportsku medicinu.

**ANA PEJIĆ**

Molim vas da se izjasnite o pročitanoj zaključku.  
Glasanje je okončano.  
Konstatujem da je pročitani zaključak usvojen sa,  
29 glasova za, nije bilo protiv i nije bilo suzdržanih.

Molim vas samo za malo tišine i koncentracije.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži da ni jedan direktor javnog preduzeća ili javne ustanove, čiji je osnivač ili suosnivač Grad Tuzla, ne smije imati veću platu od gradonačelnika, te da plate pomoćnika i šefova ne mogu biti veće od plata direktora, izuzimajući plate doktora van u zdravstvenim ustanovama. Jel tako bilo? (OMER BERBIĆ - Izuzimajući javne zdravstvene ustanove). Izuzimajući javne zdravstvene ustanove Dobro.

**ANA PEJIĆ**

Molim vas da se izjasnite o pročitanoj zaključku.  
Glasanje je okončano.  
Konstatujem da pročitani zaključak nije dobio potrebnu većinu sa,  
4 glasa za, nije bilo protiv i 25 suzdržanih.

Molim vas samo za malo tišine.

**SLAĐANA KRAJINA – sekretar Gradskog vijeća Tuzla**

Sljedeći prijedlog zaključka:

- Gradsko vijeće Tuzla traži od Javne Zdravstvene Nastavne Ustanove Dom zdravlja Dom zdravlja „Dr. Mustafa Šehović“ Tuzla da se iz sredstava tekućeg poslovanja izdvoji 38.000,00 Konvertibilnih maraka za rekonstrukciju Službe za zdravstvenu zaštitu žena i trudnica.

**ANA PEJIĆ**

Molim vas da se izjasnite o pročitanoj zaključku.

Glasanje je okončano.

Konstatujem da je pročitani zaključak usvojen sa,

29 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Sljedeći prijedlog:

- Gradsko vijeće Tuzla konstatuje da su Prijedlogom Budžeta Grada Tuzle za 2026. godinu planirana sredstva za Radničko sportsko društvo „Sloboda“ Tuzla umanjena u odnosu na prethodni period, što može ugroziti redovno funkcionisanje i održavanje minimalnog standarda rada ovog Sportskog društva. Gradsko vijeće Tuzla zadužuje gradonačelnika i nadležnu službu da u prvom rebalansu Budžeta Grada Tuzle za 2026. godinu obezbijede dodatna sredstva za Radničko sportsko društvo „Sloboda“ Tuzla, najmanje do nivoa koji omogućava nesmetan rad i realizaciju osnovnih sportskih programa. Ovaj zaključak donosi se u skladu sa zaključkom Komisije za statutarne pitanja i propise Gradskog vijeća Tuzla od 18.12.2025. godine, te u cilju zaštite javnog interesa u oblasti sporta i očuvanja sportskog identiteta Grada Tuzle.

**ANA PEJIĆ**

Molim vas da se izjasnite o pročitanoj zaključku.

Dragana, molim vas da se izjasnite.

Glasanje je okončano.

Konstatujem da je pročitani zaključak usvojen sa,

29 glasova za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od gradskih službi da u pisanoj formi odgovore na pitanja postavljena od strane vijećnika tokom rasprave o Budžetu Grada Tuzle za 2026. godinu.

**ANA PEJIĆ**

Molim vas da se izjasnite.

Glasanje je okončano.

Konstatujem da je pročitani zaključak usvojen sa,

28 glasova za, nije bilo protiv i 1 suzdržan.

Ima li Slađana još? (SLAĐANA KRAJINA – Nema više). U redu.

A sada dajem riječ gradonačelniku Grada Tuzle, doktoru Zijadu Lugaviću. Izvolite.

### **ZIJAD LUGAVIĆ – gradonačelnik Grada Tuzla**

Uvažena predsjedavajuća, sekretaru, dopredsjedavajuće i dopredsjedavajući Gradskog vijeća, uvažene vijećnice i vijećnici, poštovane kolegice i kolege, u svoje lično ime i u ime svih uposlenika Gradske uprave, želim da vam se zahvalim na podršci Budžetu za 2026. godinu, što za nas predstavlja veoma veliku stvar, ali i veoma veliku obavezu da budemo još efikasniji u implementaciji ovog budžeta. Ove godine, ova sredstva što su prenesena kao rezervacije, jedan od ključnih razloga jeste što je budžet usvojen tek u februaru ove godine, a implementacija kroz javne pozive i raspisivanje, dakle javnih poziva je počelo tek negdje u aprilu mjesecu. Evo ove godine smo na današnji dan usvojili budžet i mi ćemo krenuti odmah u januaru sa usvajanjem plana javnih nabavki i do kraja januara, početka februara ćemo početi sa realizacijom sredstava.

Hvala vam još jednom, jer ovo predstavlja jedan presedan sigurno u odnosu na veliki broj drugih općina i gradova, gdje je ovo još jedan dokaz kada svi zajedno radimo u interesu građanki i građana grada Tuzle, podržavamo sve kvalitetne projekte, inicijative, bez obzira od koga one dolazile, a koje su vezani za unapređenje kvalitete života, za unapređenje poslovnog ambijenta, zajedno radimo tačno vi za vid građanki i građana grada Tuzle, ali i šire.

Hvala vam mnogo na tome. Mi ćemo nastojati da budemo što ekspeditivniji. Nastavit ćemo ovakav konstruktivan dijalog i prihvatat ćemo sve dobre prijedloge koje će unaprijediti kvalitet života svih na području grada Tuzle. Hvala vam lijepo.

### **ANA PEJIĆ**

Zahvaljujem se gradonačelniku Grada Tuzle, doktoru Zijadu Lugaviću, a mi nastavljamo dalje sa dnevnim redom.

#### **Razmatranje i usvajanje nacрта:**

**a) Regulacionog plana prostorne cjeline „Topolica“ u Tuzli**

**b) Odluke o provođenju Regulacionog plana prostorne cjeline „Topolica“ u Tuzli.**

Predlagač: gradonačelnik Grada Tuzla.

Obradivač: Služba za prostorno uređenje i zaštitu okoline i UO Zavod za urbanizam.

Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Da li se neko javlja?

(MIRNES AJANOVIĆ – Javljam se ja). Vijećnik Mirnes Ajanović. Izvolite. Evo samo malo Mirnese da...Samo malo molim vas da...Izvolite sad. Možete.

### **MIRNES AJANOVIĆ**

Ma, sebi sam stavio Topolice pod drugu tačku sa prošle sjednice, pošto je diskusija bila ista. Al ne znam šta se desilo, zašto smo... Mi smo sad ovo preokrenuli, nije ona bila redom. Druga tačka je bila kod nas, prijedlog ovog programa rada. Samo da vidim trenutak, pošto bih išao po tim činjenicama koje su definisale se u tome. Evo. Ništa. Evo ga. Posebno izdvojeno. Nije džaba. Mi imamo sad jednu situaciju koja je prošli put rezultirala da je ova tačka vraćena

iz dnevnog reda. Nije ušla. Ako bih rekao da je oborena... Znam da bi šef službe izašao i rekao, kaže, nije oborena, al nije prošla. Nije bila u dnevnom redu. Razgovarali smo jučer, bar pola sata na sjednici Komisije za statutarne pitanja i propise. Ja sam u stvari htio predložiti da prvo šef službe izađe i kaže ono što je jučer zatraženo da se kaže od strane Komisije. A radi toga što će to onda vjerovatno promijeniti tok i moje diskusije, pa bih predložio da mi ipak dobijemo tu informaciju koju smo jučer dobili, jer ako je to što je rečeno jučer važeće i danas, a trebalo bi, ali trebaju da čuju i ostali, ja bih onda diskusiju, gdje sam ja to svašta nešto pripremio i brojne zakone i krivične i svega i svačega, i podugo bi bilo, skratio. Pa eto, prijedlog je da čujemo prvo šefa službe, ako je tu.

**ANA PEJIĆ**

Može. Nije problem nikakav. Pomoćnik gradonačelnika, gospodin Fahrudin Delić. Možete samo...Možete samo za govornicu, ako nije problem. (Pomoćnik gradonačelnika Fahrudin Delić govori bez uključenog mikrofona op.a.). Ništa, vi izađite samo, ovaj, pa dajte kratko uvodno izlaganje.

**MIRNES AJANOVIĆ**

Odnosi se konkretno na ovaj dio lokacije gdje je moguća restitucija.

**FAHRUDIN DELIĆ – pomoćnik gradonačelnika za Službu  
za prostorno uređenje i zaštitu okoline**

Gospodo, predsjedavajuća, dame i gospodo vijećnici, drage kolege bit ću jako kratak. U tehnologiji izdavanja urbanističko-tehničke dokumentacije znači, urbanističke saglasnosti, odobrenje za građenje i odobrenje za upotrebu ispituje se sedamnest nekih zakonskih propisa. Kod izdavanja građevinske dozvole, građevinsku dozvolu u stvari može dobiti isključivo, isključivo vlasnik zemljišta na kojem se vrši promjena u prostoru. Ukoliko postoji bilo kakva dilema oko zemljišno-knjižnog izvotka, mislim da se na to vaše pitanje odnosi, Služba za geodetsku upravu, odnosno Služba za geodetsko i imunsko-pravne poslove ispituje istorijat parcele. Mi imamo jedan konkretan primjer, ako želite da navedem u stvari, da kažem svim vijećnicima ovdje, na Slatini, vi ste usvojili regulacioni plan Slatina, u izdavanju urbanističke saglasnosti, čak nije ni građevinske dozvole, znači, urbanističke saglasnosti, u samom početku Služba za geodetsko i imunsko-pravne poslove je našla problem koji se pojavio tridesetšeste godine, 1936. godine, zaustavljeno je i negativna urbanistička saglasnost je išla. Znači ne postoji način da se izda urbanističko-tehnička dokumentacija ukoliko nije vlasništvo savršeno čisto, vlasništvo zemljišta. Ne znam jeste li to htjeli čuti. (MIRNES AJANOVIĆ – Izvinjavam se, moguć ja?)

**ANA PEJIĆ**

Izvolite.

**MIRNES AJANOVIĆ**

Samo da ovo preciziramo, jučer smo mi dobili informaciju, samo da bude još konkretna. Dakle, ako je neko upisan danas i kao vlasnik, a eventualno se postavi i nađe problem da je to možda predmet restitucije ili državne imovine, bez obzira na sadašnji upis, to se zaustavlja. Je li tako to?

**ANA PEJIĆ**

Molim vas samo mikrofona uključite. Hoćete vi ili šta? (FAHRUDIN DELIĆ – Evo ga. Ma hoću ne nije nikakav problem.) Izvolite, izvolite.

**FAHRUDIN DELIĆ – pomoćnik gradonačelnika za Službu  
za prostorno uređenje i zaštitu okoline**

Apsolutno ste u pravu. Bilo kakvu primisao da imamo, da vlasništvo zemljišta nije u redu, ide se na ispitivanje tog zemljišta i zato imamo Službu za geodetsko i imovinsko pravne poslove.

**ANA PEJIĆ**

U redu. Hoćete nastaviti diskusiju? Izvolite.

**MIRNES AJANOVIĆ**

Hvala pomoćniku gradonačelnika. Ja sam odgovorom zadovoljan. Odgovor je identičan onome što smo mi juče u polusatnoj raspravi raspravljali. Ozbiljna je Komisija za Statutarna pitanje i propise. Da znate, tu su nam sve službe i mi zaista, evo zahvaljujući predsjedniku, kolegi Ibeljiću vodimo to na način da, bez kalkulisanja, neselektivno, sve provjeravamo. Ako nešto ima, otvara se rasprava i donosimo odluke koje su u interesu svih. Dakle, ne nekoga ko je zainteresovan nego mora biti u opštem interesu.

Ovo je bilo iz razloga moje pitanje gdje na ovoj jednoj parceli, a to se evo kroz ovaj i dokument Službe za geodeske poslove pojavilo, dobili smo odgovor na pitanje upravo Komisije sa prošle sjednice, gdje su oni našli da na jednoj toj parceli, evo vako kažu, posjednik, parcela označena kao da ne govorim sad koje su, Vakuf Gazi Turali-begove džamije upisane su na tog posjednika sedamedesetčetvrtu godinu, posjednika i nije bilo promjene upisa posjeda. One su cijepane, predmetne parcele su snimljene šezdesetšeste godine, avio snimane, prenesene u popisni list, 843 KO Tuzla, kao posjed Islamske vjerske zajednice Tuzla.

E sad, gdje je ovdje bio problem, posjed? Znam, imam dokumente, oni nisu bili vlasnici toga prije pola godine do godinu dana. Sami su u određenim dokumentima se evidentirali kao posjednici. Sklapali određene ugovore o najmu kao posjednici, što je zabranjeno. Jer moraš biti vlasnik. Nemereš izdavati nešto i praviti najam ako nisi vlasnik. I meni je zaista bilo zanimljivo, čudno, zabrinjavajuće da neko bukvalno preko noći postane vlasnik nečega što je moguća restitucija, što je zakonom nemoguće realizovati jer nema zakona. Dosta je te takve imovine koja stoji u procesu čekanja iz razloga što ne postoji zakon restitucije.

S druge strane, nemam ovdje taj dokument. Negdje sam ga ostavio. Dobio ga pa sam smatrao bitnim ako nekad zatreba a nije mi trebalo. E sad to gdje mi sklonimo sad uvijek je teško naći. Stoji preko tih parcela velikim slovima restitucija. Da li je tu i državna imovina? I to je bio problem e ako se mi upustimo da, to sam ja pitao, kroz regulacioni plan raspoložemo državnom imovinom koja je zakonom zabranjena od strane visokog predstavnika, onda bi se stavili kao Gradsko vijeće u ravan interesa Milorada Dodika. To je upravo generalni problem svega ovoga što se događa u BiH što Milorad Dodik, Republika Srpska, želi da raspolaze državnom imovinom na način da entiteti budu vlasnici, a ne država. I sad zamislite situaciju da mi danas donesemo odluku da se na državnoj imovini eventualno raspravlja o i donosi odluka da se grade zgrade a ne smije proć dalekovod, ne smije proć kaval, stub električni, ne smije put, možete praviti put i naidete na to morate stat, krivično djelo.

Nisam imao sve informacije, Komisija je i dalje ostala u zahtjevu da se traže, pošto smo dobili dio od Službe za geodeske i imovinsko pravne poslove, oni to što imaju su dali i uputili su nas naravno na Zemljišnoknjižni ured Opštinskog suda u Tuzli, koji mora imati ne samo ovaj istorijat, nego i stari istorijat tih parcela. Tek tad se može znati da li su oni istinski vlasnici, kako su postali vlasnici nakon tog perioda od sedamdeset neke godine, gdje nisu bili ili su upisani bili ili šta je već bilo, ne znamo, nemamo informacije, ali ja iskreno nisam smio glasati za to, niti vas dovesti u poziciju da glasate za okolnost, ako bi to nešto bilo protupropisno. Ne bih želio da se vijećnici dovedu u situaciju da dignu ruke za nešto, a da se onda to kasnije ispostavi da je ne samo protupropisno, nego da narušava interese države i faktički odrađujemo u interesu nekih koji su direktno usmjereni protiv države, kao što je Dodik.

Ovo što je juče prezentirao pomoćnik gradnačelnika, evo i danas pred nama, mene je dovelo u poziciju da ću ja ovo sve što sam bio pripremio tu diskusiju sa svim tim krivičnim djelima, sa svim što bi se moglo rezultirati da vijećnici imaju odgovornost šta zakon propisuje gdje Zakon o privremenoj zabrani raspolaganja državnom imovinom koji je Schwarz-Schilling 18. marta 2005. nametnuo i dao tada nema ni-čega, ni prenos, ni korištenje, ni promjena statusa, ništa. Ne smije se prići toj imovini, ali možda to nije državna, možda je samo restitucija. Znam da sam imao dokument gdje piše da je to faktički društvena imovina. E sad, nisam išao dalje, nije me interesovalo da li je bilo državno restitucija ili...Ne, ne znam dok ne dobijemo te dokumente i zato nam je potrebno da se dostave ti dokumenti kako bi imali mogućnost da znamo šta se događa i kako je dalje postupanje. Ovo je Nacrt, dakle ima još dovoljno prostora da možemo dobiti odgovore. Ne bi sad o krivičnim djelima jer ne mora značiti, možda je sve ispravno. I zato sam ja svoju diskusiju u potpunosti prilagodio u odnosu na ovo što stoji zapisano, evidentirano da postoji dokument pod ovim brojem kad je sačinjen, šta sam ja pripremio za današnju sjednicu, da nije bilo ovakvog iskaza pomoćnika gradonačelnika Službe za prostorno koja je nadležna za ovo u ovom smislu, pa evo i na neki način i posredno Službe za geodetske i imovinsko pravne poslove i tako dalje. Ne bih dakle dalje previše. Ovdje imamo situaciju gdje sad se na toj površini koja je bila 20 godina nekakva površina gdje se okupljala Tuzla, buvlja pijaca kao što je recimo Hametovo ovo je bila Kadrina pa onda Kadro umro, a iza njega ostao i naslijedio drugi Kadro isto ime sin. Sto ljudi je tu prehranjivalo svoje porodice, boračke porodice i ostale. Svi koji su faktički tu prodavali nešto što im može pomoći bili su svjedočili na sudu da je to samo da prežive. Sud je donio mjeru privremenu zabrane ulaska islamskoj zajednici, a onda kasnije se predomislio to je u žalbi. Po istim osnovama. Odluka je takva da je sudija po meni napisala, znala da će pasti jer je očito neko natjerao sudiju. (ANA PEJIĆ - Molim vas samo vodite računa o vremenu.) Ja, pa evo da završim ovo bolje nego da se nastavlja kasnije. Mogul ja? (ANA PEJIĆ – Može, može završite.) Ja, a onda taj vlasnik, odnosno posjednik koji je zakupac, moram reći da se prepao islamske zajednice. 500 maraka dnevno su mu uzimali penale zadnjih 3, 4, 5 mjeseci. Zamislite koliko je to para. To ni Al Capone nije uradio. 500 maraka dnevno zato što nije izašao kad su oni tražili. A postoji sud kad se po suda, ako je nešto u sporu, donosi odluka o izlasku. I čovjek se objektivno prepao te okolnosti. I predao im pijacu. Ljudi su izašli. Sto porodica je ostalo bez egzistencije. Nešto što je Vakuf, što je islamska, što je neko nekad dao da bude u korist (ANA PEJIĆ – Molim vas Mirnese samo malo. Može malo samo tišine? Izvolite nastavite.) Neko što je nekad davno prije, koliko godina, sto i više dao da to koristi narodu, islamska zajednica uzela da koristi tajkunima zgrade. Sramota a to je činjenica. To sam morao reći, pa nek se puše, nek rade šta hoće. Oni svakako smatraju sebe da su država u državi, vlast iznad vlasti. Sto ljudi ostalo bez hljeba da bi oni mogli praviti zgrade. Okej, i to je njihovo pravo, ali je pitanje je li zakonito.

Sad, ako hoćete, koleginice i kolege, jeste li i vi za, evo, pitam vas prijedlog zaključka, Gradsko vijeće usvaja zaključak Komisije za statutarna pitanja i propise sa sjednice održane 26.11.2025. Ja bih dodao ovdje i 18.12.2025. koji se odnose na obavezu provjere i statusa spornih parcela u obuhvatu regulacionog plana Topolica. Mi samo tražimo

dokumentaciju. Dakle, Komisija traži da se dostavi i od ZK ureda. Služba za geodetske poslove je dostavila, ZK ured još uvijek nije. Faktički tražimo to.

I onda može biti i ovo da se zadužuje Služba za prostorno ili eventualno da prije izrade prijedloga regulacionog plana pribavi kompletnu dokumentaciju iz katastra i Zemljišnoknjižnog ureda Opštinskog suda u Tuzli za sve parcele u obuhvatu plana koji imaju obilježja moguća državne imovine ili imovine pod restitucijom, a posebno ove parcele koje sam danas naveo. Evo može se tu dodati ova parcela s ovim brojevima. Dokumentacija mora, treba sadržavati hronologiju svih upisa u katastar i zemljišne knjige razlog je osnov svakog pojedinačnog upisa akte na osnovu kojih je izvršena harmonizacija podataka, podatke o podnosiocu zahtjeva, datuma, postupajućim službenicima i pravilna osnova za svaki evidentirani upis. I ništa više. Imam ja sad, ako se utvrdi ovo, ovo, ne bih ja to. Ovo je samo da dobijemo dokumentaciju.

Evo, ovo je prijedlog zaključaka, mogu ih poslati da se ne mora kucati, pa eto, procijenite.

**ANA PEJIĆ**

Zahvaljujem. Da li se još neko javlja isred Klubova vijećnika? Vijećnik Senad Mehmedinović, izvolite.

**SENAD MEHMEDINOVIĆ**

Eh hvala ljepo. Ja bih samo jedan prijedlog zaključka, a taj prijedlog zaključka je podsjetnik na prijašnji prijedlog zaključka a koji se tiče uklanjanja arhitektonskih barijera i regulacionih planova. Dakle, ponavljan zaključak koji smo mi donijeli i rekli da ni jedan regulacioni plan ne bi trebao da ide u Nacrt, bez da se pozovemo na Uredbu o uklanjanju arhitektonskih barijera. I evo, podlačim sad ponovno to, obzirom da će ovaj akt ići u Javnu raspravu. Dakle, zaključak je, zadužuje se resorna Služba da prilikom izrade prostorno planskih i projektnih rješenja osigura da se planiranje i projektovanje objekata i prostora vrši u potpunosti u skladu sa Uredbom o uklanjanju arhitektonskih barijera. Tačka. Ima još jedna rečenica. Nadležna služba je dužna da u svim fazama planiranja i izrade projektne dokumentacije primjenjuje principe univerzalnog dizajna. Hvala ljepo.

**ANA PEJIĆ**

Zahvaljujem se. Da li se još neko javlja za riječ? Ispred Kluba ili...Aha, izvolite, ispred vijećnica Dragana Berberović, izvolite.

**DRAGANA BERBEROVIĆ GAGRO**

Evo ovako. Ja bih imala ovdje par ovih zaključaka. Pa evo, ako se složite, ovaj.

Zaključak jedan obavezna urbanistička, urbanističko-prostorna pravila. Gradsko vijeće Grada Tuzla zahtjeva da od nadležne službe u okviru...(Slađana Krajina govori bez uključenog mikrofona op.a.) Aha. Moram ponoviti...(Slađana Krajina govori bez uključenog mikrofona op.a.) zahtjeva od nadležne službe u okviru izrade projektnog rješenja urbanističkog plana „Topolice“ obavezno propišu i primjenjuju jedinstveno urbanističko-prostorna pravila koja uključuju: obaveznu izgradnju podzemnih garaža za stanare, strogo ograničenje površinskog parkiranja, smanjenje betoniranih površina, (ANA PEJIĆ – Nema veze Dragana možete vi...Evo možete pročitati pa ćemo...) aha, obaveznu izgradnju, daću ja, obaveznu izgradnju dječijih igrališta, rekreativnih sadržaja (šetnice, tartan staze), zelenih površina, prostora za

kućne ljubimce te primjenu energetske efikasne i alternativne sisteme grijanja. Zaključak. Da pročitam sva tri zaključka? ... (Slađana Krajina govori bez uključenog mikrofona op.a.)

Gradsko vijeće Grada Tuzla nalaže se, nalaže da se Urbanističkim projektnim planom „Topolice“ obavezno planira i realizuju uređenje korita rijeke Jale kao javnog prostora, uz izgradnju kontinuirane pješačke, biciklističke staze i staze za električne trotinete, sa šetnicama, drvećem, zelenilom i zaštitnom ogradom te da se ove staze funkcionalno povežu sa ostatkom naselja u cilju sigurnog i održivog kretanja.

I zaključak tri, obavezujući karakter i odgovornost investitora Gradsko vijeće Grada Tuzla obavezuje nadležne gradske službe da ne izdaju urbanističke saglasnosti i građevinske dozvole za projekte na području obuhvaćenom Urbanističkim planom „Topolice“ koje nisu u potpunosti usklađeni sa usvojenim pravilima, te obavezuju sve buduće investitore da svoje projekte prilagode jedinstvenom arhitektonsko-urbanističkom konceptu utvrđenom od strane nadležne službe od kojeg nije dozvoljeno odstupanje.

Ja bih voljela da se ovaj regulacioni plan stvarno sprovede onako kako je to već zamišljeno ali ne, ne bih voljela da se evo sad usvoji ovaj Nacrt pa onda na kraju dobijemo samo te površine na kojima će se graditi zgrade i na kojima će graditi investitori onako kako oni žele a da nemamo svu onu infra-strukturu znači, i ceste i podzemne garaže. Mi moramo na neki način i investitore obavezati u okviru svoje gradnje da obrate pažnju na izgradnju i tih dječijih igrališta i podzemnih garaža da to bude nešto kao, kao obaveza i njihova a ne samo od, od, od građana, Grada u stvari. Hvala.

## **ANA PEJIĆ**

Zahvaljujem se. Da li se još neko javlja ispred Klubova vijećnika.

Zaključujemo diskusiju Klubova vijećnika.

Otvaram diskusiju vijećnika.

Zaključujem diskusiju vijećnika.

I stavljam na izjašnjavanje nacrt Regulacionog plana prostorne cjeline „Topolica“ u Tuzli, te vas molim da se izjasnite. Dragana molim vas samo da glasate. Glasanje je okončano.

Konstatujem da je NACRT REGULACIONOG PLANA PROSTORNE CJELINE „TOPOLICA“ U TUZLI usvojen sa,

21 glas za, nije bilo protiv i 2 suzdržana.

Sada stavljam na izjašnjavanje nacrt Odluke o provođenju Regulacionog plana prostorne cjeline „Topolica“ u Tuzli, te vas molim da se izjasnite. Glasanje je okončano.

Konstatujem da je NACRT ODLUKE O PROVOĐENJU REGULACIONOG PLANA PROSTORNE CJELINE „TOPOLICA“ U TUZLI usvojen sa,

21 glasom za, nije bilo protiv i 2 suzdržana.

Molim vas Slađana da pročitate zaključke. Hoćete zaključke da glasamo pojedinačno ili u paketu? Odvojeno. U redu. Molim vas Slađana samo zaključke.

## **SLAĐANA KRAJINA – sekretar Gradskog vijeća Tuzla**

Prijedlog prvog zaključka:

Gradsko vijeće Tuzla usvaja zaključak Komisije za statutarna (ANA PEJIĆ – Molim vas samo za malo tišine. Samo malo Slađana. Možel malo tišine. Jel treba pauza ako...? Ne treba. Molim vas Slađana nastavite.)

- Gradsko vijeće Tuzla usvaja zaključak Komisije za statutarna pitanja i propise sa sjednice održane 26.11.2025. godine i sjednice održane 18.12.2025. godine, koji se odnose na

obavezu provjere statusa spornih parcela u obuhvatu Regulacionog plana „Topolica”, posebno parcele k.č. 2204/3, 2205, 2206/1, 2208/1 KO Tuzla III.

**ANA PEJIĆ**

Molim vas da se izjasnite o pročitanoj zaključku. Glasanje je okončano.  
Konstatujem da je pročitani zaključak usvojen sa,  
17 glasova za, nije bilo protiv i 6 suzdržanih.

**SLADANA KRAJINA – sekretar Gradskog vijeća Tuzla**

Prijedlog drugog zaključka:

- Zadužuje se Služba za prostorno uređenje i zaštitu okoline da, prije izrade prijedloga Regulacionog plana „Topolica”, pribavi kompletnu dokumentaciju iz katastra i Zemljišnoknjižnog ureda Općinskog suda u Tuzli za sve parcele u obuhvatu plana koje imaju obilježja moguće državne imovine ili imovine pod restitucijom, posebno parcele k.č. 2204/3, 2205, 2206/1, 2208/1 KO Tuzla III.

Dokumentacija mora sadržavati:

- hronologiju svih upisa u katastar i zemljišne knjige, i novu i staru
- razloge i osnove svakog pojedinačnog upisa,
- akte na osnovu kojih je izvršena harmonizacija podataka,
- podatke o podnosiocima zahtjeva, datumima, postupajućim službenicima i pravnoj osnovi za svaki evidentirani upis.

**ANA PEJIĆ**

Molim vas da se izjasnite o pročitanoj zaključku. Glasanje je okončano.  
Konstatujem da je pročitani zaključak usvojen sa,  
18 glasova za, nije bilo protiv i 6 suzdržanih.

**SLADANA KRAJINA – sekretar Gradskog vijeća Tuzla**

Sljedeći prijedlog zaključka:

- Zadužuje se resorna služba da prilikom izrade prostorno planskih i projektnih rješenja osigura da se planiranje i projektovanje objekata i prostora vrši u potpunosti u skladu sa Uredbom o uklanjanju arhitektonskih barijera. Nadležna služba je dužna da u svim fazama planiranja i izrade projektne dokumentacije primjenjuje principe univerzalnog dizajna.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani zaključak usvojen sa,  
19 glasova za, nije bilo protiv i 6 suzdržanih.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla zahtjeva od nadležne službe da u okviru izrade projektnog rješenja Urbanističkog plana „Topolice“ da obavezno primjenjuje, samo malo, u okviru izrade projektnog rješenja Urbanističkog plana „Topolice“ obavezno propišu i primjenjuje jedinstvena urbanističko-prostorna pravila, koja uključuju: obaveznu izgradnju podzemnih

garaža za stanare, strogo ograničenje površinskog parkiranja, smanjenje betoniranih površina, obaveznu izgradnju dječjih igrališta, rekreativnih sadržaja (šetnice, tartan staze), zelenih površina, prostora za kućne ljubimce te primjenu energetski efikasnih i alternativnih sistema grijanja.

**ANA PEJIĆ**

Molim vas da se izjasnite o pročitanoj zaključku. Glasanje je okončano.  
Konstatujem da je pročitani zaključak usvojen sa,  
18 glasova za, nije bilo protiv i 7 suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla nalaže da se Urbanističkim planom „Topolica“ obavezno planira i realizuje uređenje korita rijeke Jale kao javnog prostora, uz izgradnju kontinuirane pješačke, biciklističke i staze za električne trotinete, sa šetnicama, drvećem, zelenilom i zaštitnim ogradama te da se ove staze funkcionalno povežu sa ostatkom naselja u cilju sigurnog i održivog kretanja.

**ANA PEJIĆ**

Molim vas da se izjasnite o pročitanoj zaključku. Glasanje je okončano.  
Konstatujem da je pročitani zaključak usvojen sa,  
18 glasova za, nije bilo protiv i 7 suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla obavezuje nadležne gradske službe da ne izdaju urbanističke saglasnosti i građevinske dozvole za projekte na području obuhvaćenom Urbanističkim planom „Topolice“ koji nisu u potpunosti usklađeni sa usvojenim pravilima, te obavezuje sve buduće investitore da svoje projekte prilagode jedinstvenom arhitektonsko-urbanističkom konceptu utvrđenom od strane nadležne službe od kojeg nije dozvoljeno odstupanje.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani zaključak usvojen sa,  
18 glasova za, nije bilo protiv i 7 suzdržanih.

Prelazimo na sljedeću tačku dnevnog reda:

**RAZMATRANJE I USVAJANJE PROGRAMA RADA GRADSKOG VIJEĆA TUZLA ZA 2026. GODINU**

Predlagatelj je Kolegij Gradskog vijeća.  
Obrađivač je Stručna služba Gradskog vijeća.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica, Komisija za mlade, obrazovanje i sport, Komisija za izbor i imenovanja, Komisija za kulturu i očuvanje kulturno-

historijskog i prirodnog naslijeđa, Komisija za zaštitu prava nacionalnih manjina, Komisija za jednakopravnost polova i Klubovi vijećnika.

Da li ima potrebe za uvodnim izlaganjem? Nema.

Da li ima potrebe da se pročitaju izvještaji Komisija? (Nema.)

Otvaram raspravu Klubova vijećnika. Vijećnik Mirnes Ajanović, izvolite.

## MIRNES AJANOVIĆ

Eh to je to, hvala. Program rada Vijeća. Ovo je samo osnovni planski dokument recimo iz nekih mojih tam bivših mandata. Sad mi imamo koliko negdje osamdesetak tačaka to je negdje tu otprilike za godinu dana da uradimo a to mi nikad nismo uradili. Od kad sam ja vijećnik eto preko dvije decenije pogotovo kasnije. Ovo Vijeće nikad nije ostvarilo Program rada. Zašto? Pa zato što ono što mi radimo ne radi niko. Dakle, mi da bi bili dobri da kažu ove nevladine organizacije i svi ostali mi smo dobri, naše je da ovo što sad napravimo, usvojimo, odradimo za godinu dana i kažemo mi smo odlični. Ako bude nešto ispod toga kako oni kad provjeravaju kažu načelnik obećo ovoliko, uradio onoliko ili slično ili mi onda kažu onako dobri, vrlodobri ili loši ali ovaj nekakav iznos od ovih 80 tačaka bi kažu bio odličan. Šta smo mi u jednom mandatu uradili? Obzirom da je to nekih eto 80, 100 tačaka mjesečno, godišnje pardon, za mandat 350, 400 mi smo nagurali u jednom mandatu 2200 tačaka. Potpuno nenormalan rad. To nigdje niko nije napravio, dakle, umjesto 400 pa da bude više od idealnog mi napravili 2200. E to je ono što mi radimo šta je to doprinos nas Gradskih vijećnika, vijećnica to je to, gdje mi unaprijed prijedlozima, inicijativama, diskusijama iniciramo brojne tačke dnevnog reda, obilazimo teren, gledamo tako da je meni ovaj Program rada više onako samo eto da nešto stoji na papiru a ni bli-zu stvarne realizacije jer mi to debelo prešišamo. Višestruko dakle, nego što planiramo, odradimo pa i nekim vanrednim sjednicama kada je to potrebno da se odmah reaguje i meni je zadovoljstvo da mogu imati priliku da učestvujem u radu Gradskog vijeća koje radi i više nego što samo sebe obaveže da treba raditi da bi to bilo dobro. Još kad bi nam podijelili malo ove vode jer nakon ove jedne flaše bilo bi lakše govoriti stvarno, mislim ne bi se ljepila usta pa nešto smeta pogriješi se slovo pra-zno. Nije meni mrsko otić ali ja ne želim napuštati sjednicu Vijeća da bi ja sebi kupio vodu a bilo bi, baš bi pomoglo. Et. Nije kritika nego ono olakšalo bi. Ja, malo vode. Ja. Tako da evo jedan prijedlog zaključka, Gradsko vijeće konstatuje da Program rada Gradskog vijeća za 2026. godinu predstavlja osnovni i okvirni planski dokument, te da se tokom godine, u skladu sa praksom i stvarnim potrebama građana, rad Gradskog vijeća dodatno proširuje kroz vijećničke diskusije, inicijative, pitanja, prijedloge i zaključke. Evo ja ću ovo poslat Sladi pa da ima kao prijedlog i mislim da je to sasvim dovoljno za ovu tačku. Hvala.

## ANA PEJIĆ

Zahvaljujem se. Sljedeći za riječ javio se vijećnik Zlatan Mehmedović, izvolite. Može samo mikrofona Mirnese da isključite? Izvolite Zlatane.

## ZLATAN MEHMEDOVIĆ

Evo još jednom vas sve pozdravljam. Obzirom da jel prošla jel i javna rasprava i da se konačno usvaja Program rada vijeća za 2026. godinu i evo konstatujem da su već usvojeni prijedlozi Kluba vijećnika Socijaldemokratske partije vezano za uvrštavanje u redovan Program rada informacije o bezbjedonosnoj situaciji u Gradu Tuzla, e ono našta nisam i nismo reagovali jeste mislim, mislim da oblast zdravlja i preventivne zdravstvene zaštite takođe zaslužuju institucionalni tretman na nivou grada, jedan snažniji institucionalni tretman i

preporučio bi ipak da se u nekom narednom Programu rada planira i tematska sjednica koja je posvećena zdravlju građana i preventivnim programima. Dakle, da to bude neka tematska sjednica da ne diskutujemo samo o zdravlju građana i kvalitetu zdravstvenih usluga preventivnim programima skrininga samo kod usvajanja izvještaja zdravstvenih ustanova obzirom jel da je Grad osnivač praktično i gradskih apoteka i Doma zdravlja Tuzla. Mislim da i te kako ima ingerencije kad je u pitanju zdravlje građana, građana Tuzle. Takođe molio bi i aktivniju ulogu ovog formiranog zdravstvenog savjeta pri Gradu Tuzla. Mislim da imamo tačan opis i njihovih, njihove nadležnosti kad je u pitanju zdravlje građana i mislim da imaju čak i obavezu podnošenja izvještaja u Gradskom vijeću Tuzla. Teme unutar ove sjednice uključivale bi preventivne skrining programe, preventivne preglede, takođe ulogu Doma zdravlja gradskih apoteka u pružanju zdravstvenih usluga, mentalno zdravlje, starija populacija, saradnja Grada i Univerzitetskog kliničkog centra Tuzla pa tim u vezi ja sam poslao i Slađani zaključak, da Gradsko vijeće Tuzla smatra da oblast zdravlja i preventivne zdravstvene zaštite zaslužuje snažniji institu...Ne, ne, poslao sam na mejl, poslao sam na mejl zaključak. Gradsko vijeće Tuzla smatra da oblast zdravlja i preventivne zdravstvene zaštite zaslužuje snažniji institucionalni tretman na nivou grada te se preporučuje da se u narednom Programu rada planira i tematska sjednica posvećena zdravlju građana, preventivnim programima a u saradnji sa relevantnim zdravstvenim ustanovama i Zdravstvenim savjetom Grada Tuzle. Hvala.

## ANA PEJIĆ

Zahvaljujem se. Da li se još neko javlja ispred Klubova vijećnika?

Zaključujem diskusiju Klubova vijećnika.

Otvaram diskusiju vijećnika.

Zatvaram diskusiju vijećnika.

I stavljam na izjašnjavanje prijedlog Programa rada Gradskog vijeća Tuzla za 2026. godinu. Glasanje je okončano.

Konstatujem da je PROGRAM RADA GRADSKOG VIJEĆA TUZLA ZA 2026. GODINU usvojen sa,

19 glasova za, nije bilo protiv i nije bilo suzdržanih.

Prije nego što pređemo na glasanje o zaključcima dajem pauzu od 10 minuta.

(Pauza.)

Pozivam vijećnike da uđu u salu kako bismo nastavili sa radom.

Enisa molim vas samo pozovite ih ako ih ima tamo da...?

Nastavljamo sa radom sjednice.

## RAZMATRANJE I USVAJANJE ODLUKE O DODJELI JAVNIH PRIZNANJA U 2025. GODINI

Predlagatelj je Komisija za odlikovanja i priznanja.

Obradivač je Stručna služba za Gradskog vijeća.

Materijal su razmatrali: Komisija za statutarna pitanja i propise i Klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu Klubova vijećnika. (Nema.)

Zatvaram raspravu Klubova vijećnika.

Otvaram raspravu vijećnika. (Nema.)

Zatvaram raspravu vijećnika.

I stavljam na izjašnjavanje...(SLAĐANA KRAJINA – Poslovničku. Nismo zaključke sa prošle sjednice.) Sa prošle tačke. (SLAĐANA KRAJINA – Sa prošle tačke nismo zaključke pročitali.) Možemol završit ovo glasanje pa da onda zaključke? (SLAĐANA KRAJINA – Moramo se vratiti na tačku.)

Ništa vraćamo se na prethodnu tačku pošto nismo glasali o zaključcima.

Da li ste za da glasamo u paketu ili odvojeno o zaključcima? (SLAĐANA KRAJINA – U vezi Programa rada zaključci nisu bili.) Program rada. U paketu hoćete. Izvolite Slađana.

### **SLAĐANA KRAJINA – sekretar gradskog vijeća Tuzla**

1. Gradsko vijeće Tuzla konstatuje da Program rada Gradskog vijeća za 2026. godinu predstavlja osnovni i okvirni planski dokument, te da se tokom godine, u skladu sa praksom i stvarnim potrebama građana, rad Gradskog vijeća dodatno proširuje kroz vijećničke diskusije, inicijative, pitanja, prijedloge i zaključke.

2. Gradsko vijeće Tuzla konstatuje da Program rada Gradskog vijeća Tuzla za 2026. godinu u najvećoj mjeri sadrži izvještajne i normativne tačke te se preporučuje da se u narednim programima rada planira veći broj tematskih tačaka posebno iz oblasti koje direktno utiču na kvalitet života građana i zdravlja...Kako ste ono rekli? U saradnji sa Zdravstvenim savjetom Grada Tuzla. Može.

### **ANA PEJIĆ**

Molim vas da se izjasnite o pročitanim zaključcima. Glasanje je okončano.

Konstatujem da su pročitani zaključci usvojeni sa,  
24 glasa za, nije bilo protiv i nije bilo suzdržanih.

Prelazimo na sljedeću tačku dnevnog reda:

### **RAZMATRANJE I USVAJANJE ODLUKE O DODJELI JAVNIH PRIZNANJA U 2025. GODINI**

Predlagač je Komisija za odlikovanja i priznanja.

Obrađivač je Stručna služba za Gradskog vijeća.

Materijal su razmatrali: Komisija za statutarna pitanja i propise i Klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji Komisija?

Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika.

Vijećnica Berisa Ahmetović. Izvolite.

### **BERISA AHMETOVIĆ – vijećnik SDA – Stranke demokratske akcije**

Zahvaljujem predsjedavajuća. Evo koristim priliku da vas sve pozdravim obzirom da se evo prvi put danas javljam. Ja ću vrlo kratko onaj, samo da se zahvalim evo i Komisiji i ovaj, nadam se evo u evo nakon ovog glasanja je li i kolegama na razumijevanju da se policajcu,

rahmetli policajcu Samiru dodijeli posthumno priznanje. Zahvala zaista onaj, i time mislim da pokazujemo visok nivo u radu i svakako još jednom kažemo veliko hvala.

**ANA PEJIĆ**

Zahvaljujem se. Sada stavljam na izjašnjavanje prijedlog Odluke o dodjeli javnih priznanja u 2025. godini, te vas molim da se izjasnite. Glasanje je okončano.

Konstatujem da je ODLUKA O DODJELI JAVNIH PRIZNANJA U 2025. GODINI usvojena sa,

24 glasa za, nije bilo protiv i nije bilo suzdržanih.

Prelazimo na sljedeću tačku dnevnog reda:

**Razmatranje i usvajanje pod:**

**a) Odluke o raspisivanju javnog oglasa, postupku i utvrđivanju uslova i kriterija za imenovanje Gradskog pravobranioca u Gradskom pravobranilaštvu (sa tekstom Javnog oglasa) i pod**

**b) Rješenja o imenovanju Komisije za provođenje javnog oglasa za imenovanje Gradskog pravobranioca u Gradskom pravobranilaštvu Tuzla.**

Predlagач je gradonačelnik Grada Tuzla.

Obrađivač je Stručna služba Gradskog vijeća.

Materijal su razmatrali: Komisija za statutarna pitanja i propise, Komisija za izbor i imenovanja (pod b) i Klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji Komisija?

Otvaram raspravu Klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

I stavljam na izjašnjavanje prijedlog Odluke o raspisivanju javnog oglasa, postupku i utvrđivanju uslova i kriterija za imenovanje Gradskog pravobranioca u Gradskom pravobranilaštvu (sa tekstom Javnog oglasa), te vas molim da se izjasnite. Svjetlana glasajte. Glasanje je okončano.

Konstatujem da je ODLUKA O RASPISIVANJU JAVNOG OGLASA, POSTUPKU I UTVRĐIVANJU USLOVA I KRITERIJA ZA IMENOVANJE GRADSKOG PRAVOBRANIOCA U GRADSKOM PRAVOBRANILAŠTVU (SA TEKSTOM JAVNOG OGLASA) usvojena sa,

24 glasa za, nije bilo protiv i nije bilo suzdržanih.

Sada stavljam na izjašnjavanje prijedlog Rješenja o imenovanju Komisije za provođenje javnog oglasa za imenovanje Gradskog pravobranioca u Gradskom pravobranilaštvu Tuzla, te vas molim da se izjasnite. Glasanje je okončano.

Konstatujem da je pročitano Rješenje usvojeno sa,

24 glasa za, nije bilo protiv i nije bilo suzdržanih.

Prelazimo na sljedeću tačku dnevnog reda:

## **RAZMATRANJE I USVAJANJE ODLUKE O DOPUNI ODLUKE O FORMIRANJU KOORDINACIJSKE RADNE GRUPE ZA IZRADU PROGRAMA PARTICIPATIVNOG BUDŽETA U DIJELU KOMUNALNE INFRASTRUKTURE**

Predlagач je gradonačelnik Grada Tuzla.

Obrađivač je Služba za komunalne poslove, izgradnju i poslove mjesnih zajednica.

Materijal su razmatrali: Komisija za statutarna pitanja, Komisija za komunalne poslove i pitanja mjesnih zajednica, te Komisija za izbor i imenovanja i Klubovi vijećnika.

Nedžad Jusić, nezavisni vijećnik iz reda nacionalnih manjina, je u poslovničkom roku, 15.12. dvadeset i pete godine podnio amandman na prijedlog Odluke o dopuni Odluke o formiranju Koordinacijske radne grupe za izradu Programa participativnog budžeta u dijelu komunalne infrastrukture.

Amandman vijećnika Jusića je svim vijećnicima dostavljen elektronski kao i u materijalima podijeljenim pred sam početak sjednice.

Vijećnik Jusić će imati priliku da, kada otvorim raspravu vijećnika, ukoliko želi obrazloži svoj amandman.

Da li ima potrebe za uvodnim izlaganjem?

Da li ima potrebe da se pročitaju izvještaji Komisija?

Otvaram raspravu Klubova vijećnika. Da li se neko javlja? Ne.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećnika.

I stavljam na izjašnjenja....Aha. (Slađana Krajina govori bez uključenog mikrofona op.a.) Samo malo evo sekretar Vijeća Slađana Krajina.

### **SLAĐANA KRAJINA – sekretar Gradskog vijeća Tuzla**

Obzirom da je vijećnik blagovremeno uložio amandman sad predlagач Odluke treba da se izjasni da li amandman prihvata ako ga prihvata on postaje sastavni dio Odluke o njemu se Vijeće neće izjašnjavati a ako ne prihvata a vijećnik ostaje pri amandmanu onda se Vijeće pa evo sad predlagач ili ko će u ime predlagачa samo da se izjasni o prihvatljivosti amandmana?

Jel ima Služba za komunalne poslove kao obrađivač? Dajte pauzu par minuta.

### **ANA PEJIĆ**

Dajem pauzu od 10 minuta.

(Pauza.)

Pozivam vijećnike da uđu u salu kako bismo nastavili sa radom.

Nastavljamo sa radom sjednice.

U ime predlagачa, može malo tišine, nastavili smo sa sjednicom? U ime predlagачa pozivam sekretara organa Državne službe gospodina Almira Šutu, da nam se obrati. Izvolite.

### **ALMIR ŠUTA – sekretar organa Državne službe**

Poštovana predsjedavajuća, poštovani zamjenice predsjedavajuće, poštovani sekretaru, cijenjene vijećnice i vijećnici Gradskog vijeća Tuzla, ispred predlagачa gradonačelnik Grada

Tuzle predlagač prihvata predloženi amandman tako da amandman postaje sastavni dio odluke. Hvala.

**ANA PEJIĆ**

Zahvaljujem se. Poslovnička vijećnik Senad Mehmedinović, izvolite.

**SENAD MEHMEDINOVIĆ**

Poštovana predsjedavajuća, evo ja ću iskoristiti ovu priliku da možda ode i u formi zaključka nešto što smo opet predlagali.

Znači, zaključak je prije bio da se obavezuju predstavnici službi da mo-raj da budu prisutni na tačkama dnevnog reda koji se tiče pitanja tih službi. Opet smo se doveli u situaciju da kad raspravljamo o tački dnevnog reda koje se tiče određene službe, da nema predstavnika. Zaključak je taj otišao, evo onaj, sekretaru, ne znam samo kako bi ga najbolje mogli onaj, da apelujemo il da, da, ne znam kako da, da ga formulišemo? (Slađana krajina govori bez uključenog mikrofona op.a.) Evo urgencija, urgencija, znači ne moramo ništa ni glasat nego samo stvarno da stenogram ima pa će neko to pročitati i vidjeti. Hvala.

**ANA PEJIĆ**

Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećnika.

Te stavljam na izjašnjavanje prijedlog Odluke o dopuni Odluke o formiranju Koordinacijske radne grupe za izradu Programa participativnog budžeta u dijelu komunalne infrastrukture uz amandman koji je dostavio vijećnik Nedžad Jusić. A zamolim ću sekretara, da pročita amandman.

**SLAĐANA KRAJINA – sekretar Gradskog vijeća Tuzla**

Amandman vijećnika Jusića glasi:

„U Odluci o dopuni Odluke o formiranju Koordinacijske radne grupe za izradu Programa participativnog budžeta u dijelu komunalne infrastrukture, iza alineje 31. dodaju se nove dvije alineje i to 32. Biberović Nihad, član Koordinacijske radne grupe i 33. Biberović Admira, član Koordinacijske radne grupe.“

**ANA PEJIĆ**

Molim vas da se izjasnite o Odluci uz amandman. Svjetlana, molim vas da glasate. Glasanje je okončano. Samo malo. Ko nije glaso? (SLAĐANA KRAJINA – Mensur.) Glasanje je okončano.

Konstatujem da je ODLUKA O DOPUNI ODLUKE O FORMIRANJU KOORDINACIJSKE RADNE GRUPE ZA IZRADU PROGRAMA PARTICIPATIVNOG BUDŽETA U DIJELU KOMUNALNE INFRASTRUKTURE uz amandman usvojena sa,

17 glasova za, nije bilo protiv i 8 suzdržanih.

Prelazimo na sljedeću tačku dnevnog reda:

### **RAZMATRANJE I USVAJANJE pod:**

a) Odluke o raspisivanju javnog oglasa za izbor i imenovanje predsjednika i članova upravnih odbora u javnim ustanovama čiji je osnivač Grad Tuzla (sa tekstom Javnog oglasa), pod

b) Odluke o utvrđivanju posebnih uslova i kriterija za izbor i imenovanje predsjednika i članova upravnih odbora u javnim ustanovama čiji je osnivač Grad Tuzla i pod

c) Rješenja o imenovanju Komisije za izbor predsjednika i članova upravnih odbora u javnim ustanovama čiji je osnivač Grad Tuzla.

Predlagач je gradonačelnik Grada Tuzla.

Obrađivač je Služba za ekonomski razvoj, poduzetništvo i poljoprivredu.

Materijal su razmatrali Komisija za statutarna pitanja, Komisija za ekonomske odnose, Komisija za poduzetništvo, Komisija za izbor i imenovanje (pod c) i Klubovi vijećnika.

Da li ima potrebe za uvodnim izlaganjem? Nema.

Da li ima potrebe da se pročitaju izvještaji Komisija? Nema.

Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećnika.

Te da vas pitam da li ste za da glasamo u paketu o odlukama i rješenju ili odvojeno? U paketu.

Stavljam na izjašnjavanje Odluku o raspisivanju javnog oglasa za izbor i imenovanje predsjednika i članova upravnih odbora u javnim ustanovama čiji osnivač Grad Tuzla sa tekstom javnog oglasa, pod

b) Odluke u otvrđivanju posebnih uslova i kriterija za izbor i imenovanje predsjednika i članova upravnih odbora u javnim ustanovama čiji je osnivač Grad Tuzla i pod

c) Rješenja o imenovanju Komisije za izbor predsjednika i članova upravnih odbora u javnim ustanovama čiji je osnivač Grad Tuzla, te vas molim da se izjasnite. Glasanje je okončano.

Konstatujem da su pročitane odluke i rješenje usvojeni sa,

18 glasova za, nije, bilo, protiv i 7 suzdržanih.

Prelazimo na sljedeću ta...Može malo tišine?

Prelazim na sljedeću tačku dnevnog reda:

### **RAZMATRANJE I USVAJANJE pod:**

a) Odluke o raspisivanju javnog oglasa za izbor i imenovanje članova Nadzornog odbora iz reda državnog kapitala u Javnom preduzeću Razvojno - poduzetnički centar Tuzla - Inkubator „Lipnica“ d.o.o. u Tuzli čiji je osnivač Grad Tuzla (sa tekstom Javnog oglasa), pod

b) Odluke o otvrđivanju posebnih uslova i kriterija za izbor i imenovanje članova Nadzornog odbora iz reda državnog kapitala u Javnom preduzeću Razvojno - poduzetnički centar Tuzla - Inkubator „Lipnica“ d.o.o. u Tuzli čiji je osnivač Grad Tuzla i pod,

c) Rješenja o imenovanju Komisije za izbor članova nadzornog odbora iz reda državnog kapitala u Javnom preduzeću - Razvojno - poduzetnički centar Tuzla - Inkubator „Lipnica“ d.o.o. u Tuzli čiji je osnivač Grad Tuzla.

Predlagač je gradonačelnik Grada Tuzla.

Obrađivač je Služba za ekonomski razvoj, poduzetništvo i poljoprivredu.

Materijal su razmatrali Komisija za statutarna pitanja, Komisija za ekonomske odnose, Komisija za poduzetništvo i Komisija za izbor i imenovanja, (pod c) i Klubovi vijećnika.

Da li ima potrebe za uvodnim izlaganjem? Nema.

Da li ima potrebe da se pročitaju izvještaji Komisija? Nema.

Otvaram raspravu klubova vijećnika.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećnika.

Da li ste za da glasamo u paketu o odlukama i rješenju? Može.

Stavljam na izjašnjavanje Odluku o raspisivanju javnog oglasa za izbor i imenovanje članova Nadzornog odbora iz reda državnog kapitala u Javnom preduzeću Razvojno - poduzetnički centar Tuzla - Inkubator „Lipnica“ d.o.o. u Tuzli čiji je osnivač Grada Tuzla (sa tekstom Javnog oglasa) pod,

b) Odluke u utvrđivanju posebnih uslova i kriterija za izbor i imenovanje članova Nadzornog odbora iz reda državnog kapitala u Javnom preduzeću Razvojno - poduzetnički centar Tuzla - Inkubator „Lipnica“ d.o.o. u Tuzli čiji je osnivač Grada Tuzla i pod,

c) Rješenja o imenovanju Komisije za izbor članova nadzornog odbora iz reda državnog kapitala u Javnom preduzeću Razvojno - poduzetnički centar Tuzla - Inkubator „Lipnica“ d.o.o. u Tuzli čiji je osnivač Grada Tuzla, te vas molim da se izjasnite. Glasanje je okončano. Dragana glasajte. Izvinjavam se. Dragana glasajte. Glasanje je okončano.

Konstatujem da su pročitane odluke i rješenje usvojeni sa,

18 glasova za, nije, bilo, protiv i 7 suzdržanih.

Prelazimo na sljedeću tačku dnevnog reda:

#### **RAZMATRANJE:**

**Informacije o provedenom postupku po Javnom oglasu za izbor i imenovanje predsjednika Upravnog odbora iz reda osnivača i člana Upravnog odbora iz reda stručnih radnika zaposlenih u Javnoj zdravstveno-nastavnoj ustanovi Dom zdravlja „Dr. Mustafa Šehović“ Tuzla, čiji je osnivač Grada Tuzla, pod**

**b) Razmatranje i usvajanje Odluke o poništenju postupka izbora imenovanja predsjednika i člana Upravnog odbora Javne zdravstveno-nastavne ustanove Dom zdravlja „Dr. Mustafa Šehović“ Tuzla, čiji je osnivač Grada Tuzla i provođenje...Može malo tišine samo? I provođenje ponovnog postupka (sa tekstom Oglasa poništenja Javnog oglasa i ponovnog Javnog oglasa) pod,**

**c) Razmatranje i usvajanje Odluke o utvrđivanju posebnih uslova i kriterija za izbor i imenovanje predsjednika Upravnog odbora iz reda osnivača i člana Upravnog odbora iz reda stručnih radnika zaposlenih u Javnoj zdravstveno-nastavnoj ustanovi Dom zdravlja „Dr. Mustafa Šehović“ Tuzla čiji je osnivač Grada Tuzla,**

**Razmatranje i usvajanje rješenja o imenovanju Komisije za izbor predsjednika Upravnog odbora iz reda osnivača i člana Upravnog odbora iz reda stručnih radnika zaposlenih u Javnoj zdravstveno-nastavnoj ustanovi Dom zdravlja „Dr. Mustafa Šehović“ Tuzla, čiji je osnivač Grada Tuzla i pod**

**e) Razmatranje i usvajanje rješenja o privremenom imenovanju predsjednika i članova Upravnog odbora Javno zdravstvene-nastavne ustanove Dom zdravlja „Dr. Mustafa Šehović“ Tuzla.**

Predlagatelj je gradonačelnik Grada Tuzla.

Obrađivač je Komisije za izbor predsjednika upravnog odbora iz reda osnivača i članova upravnog odbora iz reda stručnih radnika zaposlenih u Javnoj zdravstveno-nastavnoj ustanovi Dom zdravlja „Dr. Mustafa Šehović“ Tuzla čiji je osnivač Grada Tuzla (pod a) i Služba za ekonomski razvoj, poduzetništvo i poljoprivredu (pod b, c, d i e).

Materijal su razmatrali: Komisija za statutarna pitanja i propise (pod b, c, d i e), Komisija za ekonomske odnose, Komisija za poduzetništvo, Komisija za izbor i imenovanje (pod d i e) i Klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji Komisija? Nema.

Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećnika.

Te konstatujem da je GRADSKO VIJEĆE TUZLA PRIMILO K ZNANJU INFORMACIJU O PROVEDENOM POSTUPKU PO JAVNOM OGLASU ZA IZBOR I IMENOVANJE PREDsjedNIKA UPRAVNOG ODBORA IZ REDA OSNIVAČA I ČLANA UPRAVNOG ODBORA IZ REDA STRUČNIH RADNIKA ZAPOSLENIH U JAVNO-ZDRAVSTVENO NASTAVNOJ USTANOVI DOM ZDRAVLJA „DR. MUSTAFA ŠEHOVIĆ“ TUZLA ČIJI JE OSNIVAČ GRAD TUZLA.

A stavljam na izjašnjavanje prijedlog...Hoćete, hoćemol odluke u paketu da...? (SLAĐANA KRAJINA – Ja od b. do e.)

Stavljam na izjašnjavanje Odluku o poništenju postupka izbora imenovanja predsjednika i člana Upravnog odbora Javne zdravstveno-nastavne ustanove Dom zdravlja „Dr. Mustafa Šehović“ Tuzla, čiji je osnivač Grada Tuzla i provođenju ponovnog postupka (sa tekstom Oglasa o poništenju Javnog oglasa i ponovnog Javnog oglasa)

Odluku o utvrđivanju posebnih uslova i kriterija za izbor i imenovanje predsjednika Upravnog odbora iz reda osnivača i člana Upravnog odbora iz reda stručnih radnika zaposlenih u Javnoj zdravstveno-nastavnoj ustanovi Dom zdravlja „Dr. Mustafa Šehović“ Tuzla čiji je osnivač Grada Tuzla,

Rješenja o imenovanju Komisije za izbor predsjednika Upravnog odbora iz reda osnivača i člana Upravnog odbora iz reda stručnih radnika zaposlenih u Javnoj zdravstveno-nastavnoj ustanovi Dom zdravlja „Dr. Mustafa Šehović“ Tuzla, čiji je osnivač Grada Tuzla,

Rješenja o privremenom imenovanju predsjednika i članova Upravnog odbora Javne zdravstveno-nastavne ustanove Dom zdravlja „Dr. Mustafa Šehović“ Tuzla, te vas molim da se izjasnite. Glasanje je okončano.

Konstatujem da su pročitane odluke i rješenje usvojeni sa,

17 glasova za, nije bilo protiv i 8 suzdržanih.

Prelazimo nasljedecu tačku dnevnog reda:

## **RAZMATRANJE I USVAJANJE ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM JAVNOJ USTANOVI FEDERALNA NOVINSKA AGENCIJA**

Predlagatelj je gradonačelnik Grada Tuzla.

Obrađivač je Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i Klubovi vijećnika

Da li ima potrebe za uvodnim izlaganjem?

Da li ima potrebe da se pročitaju izvještaji Komisija?

Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika.

Stavljam na izjašnjavanje prijedlog Odluke o dodjeli u zakup poslovnih prostorija neposrednom pogodbom Javnoj ustanovi Federalna novinska agencija, te vas molim da se izjasnite. Glasanje je okončano.

Konstatu...Može tišine malo?

Konstatujem da je pročitana odluka usvojena sa,

25 glasova za, nije bilo protiv i nije bilo suzdržanih.

Sljedeća tačka dnevnog reda:

#### **RAZMATRANJE I USVAJANJE:**

**Odluke o izmjeni Odluke o načelima, kriterijima i postupku za određivanje naziva ulica, trgova, mostova i parkova na području grada Tuzle,**

**Odluke o dopuni Odluke o nazivima naseljenih mjesta, naselja, ulica i trgova na području grada Tuzle,**

**Nacrta Odluke o izmjeni Odluke o nazivima naseljenih mjesta, naselja, ulica i trgova na području grada Tuzle,**

**Odluke o načinu provođenja javne rasprave o nacrtu Odluke o izmjeni Odluke o nazivima naseljenih mjesta, naselja, ulica i trgova na području grada Tuzle.**

Predlagач je gradonačelnik Grada Tuzle.

Obrađivač je Stručni tim za određivanje naziva ulica i trgova na području grada Tuzle.

Materijal su razmatrali: Komisija za statutarna pitanja i propise, Komisija za komunalne poslove i pitanja mjesnih zajednica i Klubovi vijećnika.

Da li ima potrebe za uvodnim izlaganjem? Nema.

Otvaram raspravu Klubova vijećnika. Vijećnik Mirnes Ajanović. Izvolite.

#### **MIRNES AJANOVIĆ**

Kažu kada je nešto bitno da ostane zapisano. Pa evo, ja sam i napisao da bi ostalo zapisano. Ja ću pod ovu tačku c, podrška svima, ali ću diskutovati. Ulica Muhameda Efendija Lugavića. Predlog, nacrt. Ova odluka nije samo tehničko pitanje naziva ulice. Ona je pitanje vrijednosti koje Tuzla pamti, brani i poštuje. Muhamed Efendija Lugavić nije bio samo imam. On je bio hodža svih nas, građanin Tuzle, u punom smislu te riječi. Podsjećam da je nedugo nakon posljednjeg rata Muhamed Efendija Lugavić bio izložen brutalnim napadima i diskvalifikacijama, uključujući i etiketu da je „crveni hodža“. Te optužbe nisu bile izraz vjere, nego izraz netolerancije i nerazumijevanja građanskog islama, kakav je Efendija Lugavić cijeli život živio i propovjedao. U tom periodu je čak bio i smijenjen. Ne zato što je pogriješio kao vjerski autoritet, nego zato što je bio previše svoj, previše slobodan i previše okrenut ljudima. Tada nisam šutio. Zajedno sa velikim brojem tuzlaka, običnih građana, intelektualaca i javnih ličnosti pokrenuo sam ili promijenit ću, pokrenuta je javna i građanska kampanja odbrane našeg hodže. U toj odbrani su učestovali istaknuti građanski orijentirani ljudi, među njima i Vehid Šehić iz foruma Građana Tuzle, kao i Fatmir Alispahić. To nije bila odbrana jedne funkcije, nego odbrana ideje da hodža može i mora biti hodža svih ljudi bez podjela. I tu smo pobijedili, ne politički nego ljudski. Muhamed Efendija Lugavić je bio i ostao simbol Islama koji ne dijeli, ne isključuje i ne prijeti, nego spaja. Bio je drag i muslimanima i nemuslimanima, i vjernicima i onima koji vjeru žive na drugačiji način. Upravo zato je zaslužio

da njegovo ime ostane trajno upisano u prostoru Tuzle. Ovom odlukom mi ne nagrađujemo samo jednu biografiju. Mi potvrđujemo građanski duh Tuzle, grad u kojem su ljudi važniji od etiketa, ljudskost važnija od ideoloških rovova. Danas, kada ponovo svjedočimo raznim oblicima odmetanja od države, institucija i zajedničkih vrijednosti, a o tome ćemo drugom prilikom, važno je da ovdje i sada pošaljemo jasnu poruku. Tuzla zna koga poštuje i zašto. Zato ovu odluku podržavam potpuno, iskreno i bez ikakve rezerve.

E sad na kraju jedna lična napomena. Ne zbog politike, nego zbog istine, da znate. Zašto se, kada se gradonačelnik i ja sretnemo, bratski zagrlimo? Gradonačelnik Zijad Lugavić. I tako i oslovljavamo, brate. To nije protokol, nije politička poza. To je nastavak onoga što je njegov otac bio i ostao. Čovjek koji je ljude učio da budu ljudi. Naše bratstvo ne proizlazi iz funkcije koje danas obavljamo, nego iz vremena kada je trebalo braniti čovjeka zato što je bio ispravan a ne zato što je pripadao ovoj ili onoj strani. Iz vremena kada se nije pitalo ko si, nego kakav si. Zato je ova odluka i više od naziva ulice. Ona je posjetnik da se dobrota, širina i ljudskost prenosi i da grad pamti one koji su mu dali dušu. Muhamed Efendija Lugavić je bio hodža svima nama. Onda je sasvim prirodno da ga se danas sjećamo zajedno, bez podjela i bez zadržke. Toliko.

**ANA PEJIĆ**

Zahvaljujem se. Vijećnik Zlatan Mehmedović, izvolite.

**ZLATAN MEHMEDOVIĆ**

Ma evo i ja u ime Kluba vijećnika SDP-a da pozdravim inicijativu da se u Tuzli dodijeli naziv ulice po Muhamedu Efendiji Lugaviću. Mirnes je rekao praktično sve evo riječ je o čovjeku koji je ostavio dubok i trajan trag i u vjerskom, društvenom i moralnom životu našeg grada, te svojim djelovanjem zadužio generacije tuzlaka. Davanjem imena ulice Muhameda Efendije Lugaviću Tuzla pokazuje poštovanje prema ličnostima koje su gradile vrijednosti zajedništva, humanosti i odgovornosti prema čovjeku i zajednici i smatramo da je ovo primjeren i dostojan način da se sačuva sjećanje na njegov doprinos i da se mladim generacijama pošalje jasna poruka o važnosti znanja, morala i služenja zajednice. Hvala. Toliko.

**ANA PEJIĆ**

Zahvaljujem se. Da li se još neko javlja ispred Klubova vijećnika?

Zaključujem diskusiju Klubova vijećnika.

Otvaram diskusiju vijećnika.

Zaključujem diskusiju vijećnika.

I stavljam na izjašnjavanje prijedlog Odluke o izmjeni Odluke o...Dal ste za da glasamo u paketu ili odvojeno? (U paketu.)

Prijedlog Odluke o izmjeni Odluke o načelima, kriterijima i postupku za određivanje naziva ulica, trgova, mostova i parkova na području grada Tuzle,

Odluke o dopuni Odluke o nazivima naseljenih mjesta, naselja, ulica i trgova na području grada Tuzle,

Nacrta Odluke o izmjeni Odluke o nazivima naseljenih mjesta, naselja, ulica i trgova na području grada Tuzle i

Odluke o načinu provođenja javne rasprave o nacrtu Odluke o izmjeni Odluke o nazivima naseljenih mjesta, naselja, ulica i trgova na području grada Tuzle, te vas molim da se izjasnite. Glasanje je okončano.

Konstatujem da su pročitane odluke usvojene sa,  
26 glasova za, nije bilo protiv i nije bilo suzdržanih.

Sljedeća tačka dnevnog reda:

**RAZMATRANJE I USVAJANJE ODLUKE O DOPUNAMA ODLUKE O VISINI ZAKUPNINE ZA STANOVE U VLASNIŠTVU GRADA TUZLE I STANOVE NA KOJIMA GRAD TUZLA IMA PRAVO RASPOLAGANJA**

Predlagач je gradonačelnik Grada Tuzla.

Obrađivač je Služba za boračko-invalidsku zaštitu, stambene poslove i integraciju raseljenih lica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za stambena pitanja i Klubovi vijećnika.

Da li ima potrebe za uvodnim izlaganjem? Nema.

Da li ima potrebe da se pročitaju izvještaji Komisija?

Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećnika.

I stavljam na izjašnjavanje prijedlog Odluke o dopunama Odluke o visini zakupnine za stanove u vlasništvu Grada Tuzle i stanove na kojima Grad Tuzla ima pravo raspolaganja i molim vas da se izjasnite. Glasanje je okončano.

Konstatujem da je pročitana odluka usvojena sa,  
28 glasova za, nije bilo protiv i nije bilo suzdržanih.

**RAZMATRANJE I USVAJANJE IMOVINSKO-PRAVNOG AKTA pod:**

**a) Odluke o davanju saglasnosti na opterećenje prava građenja zasnovanog u Poslovnoj zoni „Kreka Sjever“ u Tuzli na nekretnini u vlasništvu Grada Tuzle**

Predlagач je gradonačelnik Grada Tuzla.

Obrađivač je Služba za geodetske i imovinsko-pravne poslove.

Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i Klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji Komisija?

Otvaram raspravu Klubova vijećnika. Da li se neko javlja?

Zatvaram raspravu Klubova vijećnika.

Otvaram raspravu vijećnika. Nema.

Stavljam na izjašnjavanje prijedlog imovinsko-pravnog akta:

Odluka o davanju saglasnosti na opterećenje prava građenja zasnovanog u Poslovnoj zoni „Kreka Sjever“ u Tuzli na nekretnini u vlasništvu Grada Tuzla, te vas molim da se izjasnite. Glasanje je okončano. Moramo ponoviti glasanje. Molim vas, molim vas samo da glasate. Vijećnik Mensur Mujezinović da se samo...Molim vas da se ponovo izjasnite. Glasanje je okončano.

Konstatujem da je, da je pročitana odluka usvojena sa,  
27 glasova za, nije bilo protiv i 1 suzdržan.

Sljedeća tačka dnevnog reda:

## **RAZMATRANJE INFORMACIJE O OPREMLJENOSTI SLUŽBI ZAŠTITE I SPAŠAVANJA FORMIRANIH NA PODRUČJU GRADA TUZLE**

Predlađač je gradonačelnik Grada Tuzla.

Obrađivač je Služba civilne zaštite.

Materijal su razmatrali: Klubovi vijećnika

Da li ima potrebe za uvodnim izlaganjem?

Da li ima potrebe da se pročitaju izvještaji Komisija?

Otvaram raspravu Klubova vijećnika. Vijećnik Jasmin Gavranović, pa Mirnes Ajanović.

### **JASMIN GAVRANOVIĆ – vijećnik SDP – Socijaldemokratske partije Bosne i Hercegovine**

Zahvaljujem predsjedavajuća. Poštovane kolegice i kolege Klub vijećnika SDP-a razmatrao je Informaciju o opremljenosti službe zaštite i spašavanja na području grada Tuzle te je smatramo važnom tačkom jer govore o onome što građani najviše osjete u kriznim situacijama brzini reakcije i spremnosti ljudi i ispravnosti opreme. Prvo, činjenice iz dokumenta pokazuju da je Grad Tuzla u kontinuitetu ulagao u jačanje sistema. U periodu od 2007. do 2024. godine ukupno je uloženo oko 7,3 miliona konvertibilnih maraka a samo u periodu od 2017. do 2024. godine 5,3 miliona maraka što je 73,77% ukupnih ulaganja. Ovo govori da je fokus na opremanju u posljednjim godinama značajno pojačan i da je postojala jasna namjera da se kapaciteti modernizuju. Drugo, operativno gledano, sistem civilne zaštite je organizovan kroz 38 timova sa 311 pripadnika a što je dobra baza za integralni odgovor na različite vrste rizika. Posebno je važno da se, pored klasičnih intervencija u strukturi prepoznaju funkcije komunikacije, logistike i informisanja, jer se u praksi upravo na koordinaciji najčešće lome velike situacije.

Ne bi dalje da dužim, predložio bi neke zaključke koje sam već poslao gospođi Slađani na meil, a to su da traži se da se u planovima i budžetu osiguraju sredstva za održavanje i servis nabavljene kapitalne opreme (uključujući autoljestve, agregate, sirene i komunikacijsku opremu) uz evidenciju ispravnosti i rokova pregleda.

Nalaže se službi civilne zaštite da najmanje jednom godišnje organizuje zajedničku terensku vježbu, ključnih operativnih snaga, (Profesionalne vatrogasne jedinice, Mješovite specijalizovane jedinice za hitne intervencije, Gradski štab i relevantne službe), te da Vijeću dostavi izveštaj o nalazima i preporukama.

I treće, Gradsko vijeće zadužuje službu civilne zaštite da u narednom periodu intenzivira nabavku SOUK sirena, odnosno *Sistema obavješćavanja, uzbunjivanja i komunikacija* (sistem ranog upozoravanja i uzbunjivanja stanovništva uz komunikacijsko povezivanja nadležnih službi) i nabavku repetitora u cilju pokrivenosti cijelog područja grada Tuzla, sistemu obavješćavanja i uzbunjivanja građana. Hvala.

**ANA PEJIĆ**

Zahvaljujem se. Sljedeći za riječ javio se vijećnik Mirnes Ajanović, izvolite.

**MIRNES AJANOVIĆ**

Hvala. Ova informacija da je realan i uravnotežen prikaz stanja sistema zaštite i spašavanja na području grada Tuzla. Jasno je vidljivo da se radi o sistemu koji se kontinuirano razvija kroz klansko opremanje, organizaciono jačanje i kroz stručno osposobljavanje

operativnih snaga civilne zaštite. Bitno je da već duži niz godina pokazuje se kontinuitet ulaganja u ovu oblast uključujući i nabavku opreme i razvoj specijaliziranih jedinica i unapređenja koordinacije među strukturama koje djeluju u vanrednim situacijama. Takav pristup je omogućio da sistem ostane funkcionalan i u operativnom odgovoru na različite prirodne i druge nesreće. Međutim, ova informacija istovremeno potvrđuje i ono što sam više puta ukazivao u ranijim raspravama, pa i nekad davno ranijim, sistem zaštite i spašavanja se ne može posmatrati kao završen proces. On zahtjeva stalno prilagođavanje, modernizaciju, dodatna ulaganja, posebno imajući u vidu sve složenije rizike od požara, poplave i klizišta kao, odnosno od tehničke do svih nesreća koje mogu biti prouzrokovane.

E sad nisam ovo stavio kao zaključke, možda nekad i razmotrimo, ja sam i danas govorio da avioni dromader koji su relativno povoljni i koji mogu biti na aerodromu našeg Aero kluba, koji mogu voziti naši piloti uz malu doobuku, mogu pokrivati kompletan kanton u sprječavanju požara. Dakle, jedan dromader je efikasniji pogotovo ovdje kanaderi ne mogu ni da rade čak ni na jezeru i to je preskupo više milionski troškovi i održavanja i samih nabavka aviona, a ovo je nešto što je u nekakvoj formi od, kad bi rekli, više stotina hiljada maraka, dakle ne ni milion, avion koji štiti sve. Bukvalno ja takav avion mogu voziti. Et samo mala doobuka i šta u naj nekakvoj situaciji malog požara aviom sljiece za, za praktično minutu se puni njegov rezervoar i direktno se gasi požar na nepristupačnim dijelovima i kasnije može izazvati katastrofu. Nisam stavio kao prijedlog da se razmotri mogućnost upućivanja zahtjeva Vladi kantona a mogo bih nabavka jednog dromadera, dostavit ću to kasnije. Ovdje imamo, dakle, naše diskusije, davali smo prijedloge, vidimo dakle, da mi učestvujemo u svemu ovome, pa evo prijedlog zaključaka, već sam dao da ne čitam, Slađa će pročitati. I ovaj peti nisam napisao, ako hoće da proprati a da napišem, dakle, Gradsko vijeće poziva Vladu Tuzlanskog kantona da razmotri mogućnost nabavke aviona dromader, koji je izrazito povoljne cijene u odnosu na potrebe, a koji može ob služivati cijeli kanton i nalazio bi se u prostoru, odnosno hangaru, aerokluba Tuzla, koji posjeduje i pilote koji bi mogli ob služivati taj avion i koristio bi se u svim slučajevima gašenja požara u samom startu.

Pa evo ovako, izvinjavam se što nisam napisao, ali sad mi naumpade to sam bukvalno zaboravio. Toliko sam puta pisao o tom dromaderu apele, dopise i slično, da sam na kraju u mozgu ostavio da sam to rekao i sad. Pa evo, da razmotrimo tu mogućnost, možda bi i mi mogli sami taj avion nabaviti, ali prvo da se obratimo njima, a to je zaista neprikosnoveno u gašenju požara. Još jednom, kanader je nesposoban za ova područja, a ovo je toliko moguće, on čak se koristi na zapadu za usjeve, za navodnjavanje, za komarce, za svašta nešto. Više funkcionalan avion koji je zaista isplativ i bio bi vrlo koristan u hangarima Aero kluba Tuzla. Et. Ovo nije zaključak, ovo je samo još malo. Ja sam završio. Hvala.

## ANA PEJIĆ

Zahvaljujem se. Da li se još neko javlja ispred Klubova vijećnika?

Zaključujem diskusiju Klubova vijećnika.

Otvaram diskusiju vijećnika.

Zaključujem diskusiju vijećnika.

Te konstatujem da je GRADSKO VIJEĆE TUZLA PRIMILO K ZNANJU INFORMACIJU O OPREMLJENOSTI SLUŽBI ZAŠTITE I SPRAŠAVANJA FORMIRANIH NA PODRUČJU GRADA TUZLE

I pozivam sekretara Gradskog vijeća da pročita zaključke.

Da li ste za da glasamo odvojeno ili u paketu za zaključke?

Oćete odvojeno ili u paketu, molim vas? U paketu. Izvolite, Slađana. (Odvojeno.)  
Odvojeno, u redu. Slađana, odvojeno se glasa. Zato sam i pitala. Molim vas samo za tišinu.

**SLAĐANA KRAJINA – sekretar Gradskog vijeća Tuzla**

Prijedlog prvog zaključka:

- Gradsko vijeće Tuzla traži da se u planovima i budžetu osiguraju sredstva za održavanje i servis nabavljene kapitalne opreme (uključujući autoljestve, agregate, sirene i komunikacijsku opremu), uz evidenciju ispravnosti i rokova pregleda.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani zaključak usvojen sa,  
23 glasa za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Prijedlog drugog zaključka:

- Gradsko vijeće Tuzla traži od Službe civilne zaštite da najmanje jednom godišnje organizuje zajedničku terensku vježbu ključnih operativnih snaga (Profesionalna vatrogasna jedinica, Mješovita specijalizovana jedinica za hitne intervencije, Gradski štab i relevantne službe), te da Gradskom vijeću dostavi izvještaj o nalazima i preporukama.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani zaključak usvojen sa,  
22 glasa za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

Prijedlog trećeg zaključka:

- Gradsko vijeće Tuzla zadužuje Službu civilne zaštite da u narednom periodu intenzivira nabavku SOUK sirena odnosno *Sistema obavještanja, uzbunjivanja i komunikacija* (sistem ranog upozoravanja i uzbunjivanja stanovništva, uz komunikacijsko povezivanje nadležnih službi) i nabavku repetitora u cilju pokrivenosti cijelog područja grada Tuzla sistemom obavještanja i uzbunjivanja građana.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani zaključak usvojen...Molim vas samo da se poništi glasanje da ponovo se izjasnimo. Molim vas samo da ponovo se izjasnite. Zlatane glasajte. Glasanje je okončano.  
Konstatujem da je pročitani zaključak usvojen sa,  
23 glasa za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla konstatuje da je sistem zaštite i spašavanja u Gradu Tuzla funkcionalan, ali da zahtijeva kontinuirano jačanje i modernizaciju.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani zaključak usvojen sa,  
23 glasa za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Zadužuje se nadležna gradska služba da pripremi višegodišnji plan opremanja i modernizacije struktura civilne zaštite, uz jasno definisane prioritete i faze realizacije.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani zaključak usvojen sa,  
23 glasa za, nije bilo protiv i nije bilo suzdržanih. Ima li još zaključaka?

**SLAĐANA KRAJINA – sekretar Gradskog vijeća Tuzla**

Aha.

- Gradsko vijeće Tuzla očekuje da se u budućem planiranju i budžetiranju uvažavaju vijećničke inicijative koje se odnose na jačanje preventivne komponente sistema zaštite i spašavanja.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani zaključak usvojen sa,  
23 glasa za, nije bilo protiv i nije bilo suzdržanih.

**SLAĐANA KRAJINA – sekretar Gradskog vijeća Tuzla**

- Gradsko vijeće Tuzla poziva Vladu Tuzlanskog kantona da razmotri mogućnost nabavke višefunkcionalnog aviona dromadera koji je izrazito povoljne cijene u odnosu na potrebe a koji može opsluživati cijeli Kanton i nalazio bih se u hangaru Aero kluba Tuzla koji već imaju pilote koji mogu opsluživati taj avion koji bih se mogao koristiti za gašenje požara na cijelom prostoru Tuzlanskog kantona.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani zaključak usvojen sa,  
23 glasa za, nije bilo protiv i nije bilo suzdržanih.

Jel ima još zaključaka? (SLAĐANA KRAJINA - Nema.)

Prelazimo na sljedeću tačku dnevnog reda:

## **RAZMATRANJE INFORMACIJE O PROVEDENIM HITNIM INTERVENTNIM MJERAMA NA SANACIJI KLIZIŠTA**

Predlagач je gradonačelnik Grada Tuzla.

Obrađivač je Služba civilne zaštite.

Materijal su razmatrali: Komisija za prostorno uređenje i zaštitu okoline i Klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji Komisija?

Otvaram raspravu Klubova vijećnika. Vijećnik Mirnes Ajanović, izvolite.

### **MIRNES AJANOVIĆ**

Ne vraćam se u prošlost radi prošlosti, nego da bi bolje razumijeli sadašnjost i dočekali tu nekakvu budućnost. Prije više od dvije decenije, zajedno sam sa Azrom Avdić, tada isto vijećnikom kojoj je to struka, ukazivali potrebu na izradu katastra klizišta radi preventivnog djelovanje u narednom periodu i planskog upravljanja prostorom i sprečavanjem poljavljivanja novih klizišta. Znam da je više puta upozoravala da je Tuzla na glinama, da je kompletan grad izložen tim kretanjima, što je nažalost se pokazalo i kao osnovano. U to vrijeme, kada je to predloženo bilo je tek registrovanih i pokrenutih pedesetak klizišta. Danas 2170 registrovanih klizišta. Da se tada poslušalo to što je Azra Avdić govorila pa i ja naravno slušajući ono što govori jer je bila njena struka, danas ne bi bili u stanju gdje je to već stanje moguće katastrofe. Posljedice mogu biti vrlo ozbiljne po građane, po sve nas. Neka krenu, padne, ne bih sada govorio o bilo kojoj padini jer bi bilo to onda kao izazivanje nekakvog eto uznemirenja javnosti. Neću, ali je moguće. Govori se o ovim podacima, ne bi previše koliko je površine Tuzle pod klizištem. Evo 16,5% grada, teritorije Tuzla je pod klizištem. 6,57 potencijalno nestabilnih, a opet još jednom 2170 klizišta. Moramo dakle razmatrati ovo sve što se treba da se razmotri, ne bi sad ovdje o ciframa o svemu ovome što smo dobili u informaciji. Prijedlog zaključaka, izvinite, prošli nisam pročitao da skratimo trajanje sjednice a onda se glasalo pojedinačno i ispade tri puta duže pročitau.

Gradsko vijeće Tuzla prihvata informaciju o provedenim interventnim mjerama na sanaciji klizišta. Gradsko vijeće konstatuje da su interventne sanacije nužan i efekasan mehanizam zaštite ljudi i materijalnih dobara, ali da imaju privremeni karakter.

Zadužuje se nadležna služba da pored nastavke interventnih mjera pripremi plan prioriternih trajnih sanacija klizišta uz procjenu potrebnih finansijskih sredstava i fazu realizacije, uključujući i izradu katastra klizišta. Samo da napišem, izvinjavam se, da ne ode Slađi bez ovog klizišta.

Gradsko vijeće okej očekuje da se u narednim budžetskim ciklusima osigura kontinuitet sredstava kako za interventne tako i za trajne sanacije klizišta u skladu sa realnim rizicima na terenu.

Peto, zaključak, danas sam razgovarao sa gradonačelnikom i on je rekao da bi trebalo naredne sjednice sa šefom službe, odnosno pomoćnikom za prostornu raspraviti o ovom pa ću ja to predložiti kao prijedlog da gradonačelnik ima veći osnov ukoliko bude smatrao da je ovo moguće. Prijedlog, Gradsko vijeće polazeći od činjenice da je značajan broj klizišta na području grada Tuzle dugotrajan i da potpuna sanacija svih klizišta zahtjeva znatna finansijska sredstva i vrijeme, smatra opravdanim da se pored interventnih i trajnih sanacija razmotri i uvođenje modela kontrolisanih mikrosanacija klizišta. U tom smislu, Gradsko vijeće Tuzla inicira

razmatranje mogućnosti da se pod jasno definisanim uslovima uz prethodna odobrenja, stručni nadzor i kontrolu nadležnih gradskih službi omogući sanacija manjih dijelova klizišta ili pojedinačnih ugroženih površina, posebno u slučajevima gdje postoje zainteresovani vlasnici objekata spremni da učestvuju u realizaciji takvih mjera. Črtica da plate, da plate mikrosanacije, dakle, ne treba Grad ništa davati. Ovakav pristup je omogućio povećanje sigurnosti pojedinačnih stambenih objekata, smanjenje rizika daljeg širenja klizišta na okolne površine, digresija, ako zakujete šipove na određenoj površini, to je sigurnost dakle, ne samo tog dvorišta nego i šire, onda dalje, rasterećenje sistema interventnih mjera, efikasnije korištenje raspoloživih sredstava.

Gradsko vijeće Tuzla zadužuje nadležnu gradsku službu da ispita pravne tehničke i sigurnosne uslove za primjenu ovakvog modela te da Gradskom vijeću dostavi informacije i eventualni prijedlog kriterija za kontrolisanu primjenu mikrosanacija klizišta. Eto to je dostavljam.

### **ANA PEJIĆ**

U redu. Da li se još neko javlja ispred Klubova vijećnika? Ne javlja.

Konstatujem da je grads...

Otvaram raspravu vijećnika.

Zaključujem raspravu vijećnika.

Te konstatujem da je GRADSKO VIJEĆE TUZLA PRIMILO K ZNANJU INFORMACIJU O PROVEDENIM HITNIM INTERVENTNIM MJERAMA NA SANACIJI KLIZIŠTA.

Te pozivam sekretara Gradskog vijeća, da pročita zaključke koji su proistekli iz diskusije.

Da li ste za da glasamo u paketu ili odvojeno? (U paketu.) U paketu. Izvolite Slađana.

### **SLAĐANA KRAJINA – sekretar Gradskog vijeća Tuzla**

Samo da dobijem mail.

1. Gradsko vijeće konstatuje da su interventne sanacije nužan i efikasan mehanizam zaštite ljudi i materijalnih dobara, ali da imaju privremeni karakter.

2. Zadužuje se nadležna služba da, pored nastavka interventnih mjera, pripremi plan prioriternih trajnih sanacija klizišta, uz procjenu potrebnih finansijskih sredstava i faznu realizaciju, uključujući i izradu katastra klizišta.

3. Gradsko vijeće očekuje da se u narednim budžetskim ciklusima osigura kontinuitet sredstava kako za interventne, tako i za trajne sanacije klizišta, u skladu sa realnim rizicima na terenu.

4. Gradsko vijeće Tuzla, polazeći od činjenice da je značajan broj klizišta na području grada Tuzle dugotrajan i da potpuna sanacija svih klizišta zahtijeva znatna finansijska sredstva i vrijeme, smatra opravdanim da se, pored interventnih i trajnih sanacija, razmotri i uvođenje modela kontrolisanih mikrosanacija klizišta.

5. U tom smislu, Gradsko vijeće Tuzla inicira razmatranje mogućnosti da se, pod jasno definisanim uslovima, uz prethodna odobrenja, stručni nadzor i kontrolu nadležnih gradskih službi, omogući sanacija manjih dijelova klizišta ili pojedinačnih ugroženih površina, posebno u slučajevima gdje postoje zainteresovani vlasnici objekata spremni da učestvuju u realizaciji takvih mjera - da plate mikrosanaciju.

Ovakav pristup bi omogućio:

- povećanje sigurnosti pojedinačnih stambenih objekata,

- smanjenje rizika daljeg širenja klizišta na okolne površine,
- rasterećenje sistema interventnih mjera,
- i efikasnije korištenje raspoloživih sredstava.

6. Gradsko vijeće Tuzla zadužuje nadležnu gradsku službu da ispita pravne, tehničke i sigurnosne uslove za primjenu ovog modela, te da Gradskom vijeću dostavi informaciju i eventualni prijedlog kriterija za kontrolisanu primjenu mikrosanacija klizišta.

## **ANA PEJIĆ**

Jel to to? Molim vas da se izjasnite o pročitanim zaključcima. (Možel ponovo?) Može. Možete samo poništiti Enisa da ponovo se...Molim vas samo da se ponovo izjasnite. Vijećnica Azra Feukić samo molim vas da glasa. Glasanje je okončano.

Konstatujem da su pročitani zaključci usvojeni sa,  
24 glasa za, nije bilo protiv i nije bilo suzdržanih.

Prelazimo na sljedeću tačku dnevnog reda:

## **RAZMATRANJE INFORMACIJE O AKTUELNOSTIMA U OBLASTI BORAČKO-INVALIDSKE ZAŠTITE I OSTVARIVANJU PRAVA PRIPADNIKA BORAČKE POPULACIJE**

Predlagač je gradonačelnik Grada Tuzla.

Obrađivač je Služba za boračko-invalidsku zaštitu, stambene poslove i integraciju raseljenih lica.

Materijal su razmatrali: Klubovi vijećnika.

Da li ima potrebe za uvodnim izlaganjem? Nema.

Otvaram raspravu Klubova vijećnika. Vijećnik Mirnes Ajanović, izvolite.

## **MIRNES AJANOVIĆ**

Hvala. Briga o boricima i članovima njihovih porodica nije socijalna mjera niti pitanje dobre volje bilo koje vlasti. To je osnova sigurnosti države i trajna obaveza da se vrati dug onima koji su je odbranili. Ne bi sad poredio Titovo vrijeme i brigu o borcima i ovo naše vrijeme i brigu o našim borcima, ali podaci koji su danas pred nama jasno govore o razmjerama tog sistema i težini odgovornosti, koja je, evo, aktuelna, riječ je o hiljadama zahtjeva, upravnih postupaka i konkretnih životnih situacija koje se rješavaju na godišnjem nivou. To nisu abstraktne brojke, to su borci, ljudi, porodice i sudbine koje su u ratu podnijele najveći teret. Važno je istaći značajan broj korisnika, osnovnih prava, a to su ratni vojni invalidi i članovi porodica poginulih boraca. Isplate invalidnina i drugih zakonskih prava predstavljaju temelj sigurnosti za te porodice i pokazuje da sistem uprkos slabostima ipak funkcioniše. Međutim, istovremeno se mora otvoreno reći da su potrebe boračke populacije znatno veće od raspoloživih sredstava, posebno kada je riječ u jednokratnim novčanim pomoćima liječenju teških bolesti, socijalnim potrebama i stambenom zbrinjavanju. Veliki broj zahtjeva ostaje neriješen ne zato što potreba ne postoji, nego zato što su planirana sredstva ograničena. Grad Tuzla u tom pogledu preuzeo dio odgovornosti kroz vlastite programe podrške, čime se ublažavaju i najteže socijalne posljedice, pokazuje da lokalna zajednica ne okreće glavu od onih koji su je branili. To je ispravan i odgovoran pristup, ali ne smije postati trajna zamjena za systemska rješenja na višim nivoima vlasti. Briga o borcima nije samo pitanje novčanih naknada, ona podrazumijeva i zdravstvenu zaštitu, pravo na liječenje, zapošljavanje, mogućnost samozapošljavanja, stambenu, sigurnost iznad svega

dostajanstvo. Država koja zanemari te obaveze dugoročno podkopava vlastitu stabilnost i povjerenje građana u institucije. Zato informaciju podržavam kao realan prikaz stanja, ali istovremeno smatram da mora poslužiti kao osnova za jačanje politike prema boračkoj populaciji. Briga o boricima nije i ne smije biti trošak, ona je ulaganje u sigurnost države i društveni mir.

Prijedlog zaključaka nek ima već napisano, Gradsko vijeće Tuzla prihvata informaciju o aktuelnostima u oblasti boračko invalidske zaštite.

Gradsko vijeće konstatuje da je briga o boračkoj populaciji temelj sigurnosti države i trajna obaveza svih nivoa vlasti.

Gradsko vijeće inicira prema višim nivovima vlasti potrebu povećavanja sredstava za dopunska prava boračke populacije posebno u oblasti liječenja, socijalnih potreba i stambenog zbrinjavanja.

Gradsko vijeće podržava nastavak lokalnih programa pomoći uz insistiranje na dugoročnim sistemskim rješenjima za borce. Šaljem odmah. To je to. Hvala.

**ANA PEJIĆ**

Zahvaljujem se. Da li se još neko javlja za diskusiju?

Zaključujem diskusiju Klubova vijećnika.

Otvaram diskusiju vijećnika.

Zaključujem diskusiju vijećnika.

Te konstatujem da je GRADSKO VIJEĆE TUZLA PRIMILO K ZNANJU INFORMACIJU O AKTUELNOSTIMA U OBLASTI BORAČKO-INVALIDSKE ZAŠTITE, može malo tišine molim vas I OSTVARIVANJU PRAVA PRIPADNIKA BORAČKE POPULACIJE.

Te pozivam sekretara Gradskog vijeća, da pročita zaključke proistekle iz diskusija. Oćete u paketu da glasamo o zaključcima il pojedinačno? (U paketu.) U redu.

**SLADANA KRAJINA – sekretar Gradskog vijeća Tuzla**

1. Gradsko vijeće konstatuje da je briga o boračkoj populaciji temelj sigurnosti države i trajna obaveza svih nivoa vlasti.

2. Gradsko vijeće inicira prema višim nivoima vlasti potrebu povećanja sredstava za dopunska prava boračke populacije, posebno u oblasti liječenja, socijalnih potreba i stambenog zbrinjavanja.

3. Gradsko vijeće podržava nastavak lokalnih programa pomoći uz insistiranje na dugoročnim, sistemskim rješenjima za borce.

**ANA PEJIĆ**

Molim vas da se izjasnite o pročitanim zaključcima. Glasanje je okončano. Moramo ponoviti. Molim vas ponovite glasanje vijećnica Azra Feukić nije glasala opet. Molim vas samo da se ponovo izjasnite o pročitanim zaključcima. Glasanje je okončano.

Konstatujem da su pročitani zaključci usvojeni sa,

24 glasa za, nije bilo protiv i nije bilo suzdržanih.

Prelazimo na sljedeću tačku dnevnog reda:

## **RAZMATRANJE IZVJEŠTAJA KOMISIJE ZA IZBOR I IMENOVANJA**

I pozivam sekretara Gradskog vijeća da nas upozna sa izvještajima Komisije za izbor i imenovanja.

### **SLADANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Kluba vijećnika Naše stranke za izmjenu člana Savjeta Mjesne zajednice Sjenjak, te je usvojila sljedeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjavanje upućuje prijedlog Kluba vijećnika Naše stranke da se:

- Emir Poljo razriješi dužnosti člana Savjeta Mjesne zajednice Sjenjak,
  - a da se na dužnost člana Savjeta Mjesne zajednice Sjenjak izabere Aida Ferhatović,
- pa molim da stavite na izjašnjavanje ovaj prijedlog Kluba vijećnika Naše stranke.

### **ANA PEJIĆ**

Molim vas da se izjasnite. Glasanje je okončano.

Konstatujem da je pročitani prijedlog dobio potrebnu većinu sa, 19 glasova za, nije bilo protiv i 6 suzdržanih.

### **SLADANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Kluba vijećnika Pokreta demokratske akcije - PDA za izmjenu člana Komisije za komunalne poslove i pitanja mjesnih zajednica, te je usvojila sljedeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjavanje upućuje prijedlog Kluba vijećnika Pokreta demokratske akcije – PDA da se:

- Izudin Ferizović razriješi dužnosti člana Komisije za komunalne poslove i pitanja mjesnih zajednica,
- a da se na dužnost člana Komisije za komunalne poslove i pitanja mjesnih zajednica izabere Lejla Ferizović, pa molim da stavite na izjašnjavanje ovaj prijedlog Kluba vijećnika Pokreta demokratske akcije.

### **ANA PEJIĆ**

Molim vas da se izjasnite. Glasanje je okončano

Konstatujem da je pročitani prijedlog usvojen sa, 25 glasova za, nije bilo protiv i nije bilo suzdržanih.

### **SLADANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Kluba vijećnika Tuzlanske alternative za izmjenu u Savjetu Mjesne zajednice Gornja Tuzla, te je usvojila sljedeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjavanje upućuje prijedlog Kluba vijećnika Tuzlanske alternative da se:

- Maida Mehmedović razriješi dužnosti predsjednika Savjeta Mjesne zajednice Gornja Tuzla,
  - Refik Topić razriješi dužnosti člana Savjeta Mjesne zajednice Gornja Tuzla,
  - Maida Mehmedović izabere na dužnost člana Savjeta Mjesne zajednice Gornja Tuzla.
  - Refik Topić izabere na dužnost predsjednika Savjeta Mjesne zajednice Gornja Tuzla,
- pa molim da stavite na izjašnjavanje prijedlog Kluba vijećnika Tuzlanske alternative.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani prijedlog usvojen sa,  
25 glasova za, nije bilo protiv i nije bilo suzdržanih.

#### **SLADANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Kluba vijećnika SDA - Stranke demokratske akcije za izmjenu predsjednika Mandatno-imunitetske komisije, te je usvojila sljedeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjavanje upućuje prijedlog Kluba vijećnika SDA - Stranke demokratske akcije da se:

- Nermin Granić razriješi dužnosti predsjednika Mandatno-imunitetske komisije,
- a da se na dužnost predsjednika Mandatno-imunitetske komisije izabere Dževad Hasanović, pa molim da stavite na izjašnjavanje prijedlog Kluba vijećnika Stranke demokratske akcije.

**ANA PEJIĆ**

Molim vas da se izjasnite. Glasanje je okončano.  
Konstatujem da je pročitani prijedlog usvojen sa,  
24 glasa za, nije bilo protiv i 1 suzdržani.

#### **Pod TEKUĆIM PITANJIMA**

Konstatujem da nije bilo prijedloga koji bi se razmatrali u okviru ove tačke dnevnog reda.

Te konstatujem da je dnevni red iscrpljen.

Povodom nastupajućih božićnih i novogodišnjih praznika, u ime Gradskog vijeća Tuzla i u svoje ime upućujem srdačne čestitke te

- svim građanima katoličke vjeroispovjesti želim sretan i blagoslovljen katolički Božić,
- svim građanima Tuzle i Bosne i Hercegovine, možel da završim ja samo čestitku jel problem to neki, svim građanima Tuzle i Bosne i Hercegovine želim sretnu i uspješnu Novu 2026. godinu sa željom da im svaki trenutak bude ispunjen blagostanjem, mirom i srećom,
- a svim građanima pravoslavne vjeroispovjesti želim sretan i blagoslovljen pravoslavni Božić.

Zahvaljujem se vijećnicima, predlađačima i obrađivačima materijala, Stručnoj službi Gradskog vijeća i zaključujem 14. redovnu sjednicu Gradskog vijeća Tuzla. (Hvala.)

(S obzirom da je dnevni red iscrpljen i 14. redovna sjednica Gradskog vijeća Tuzla zaključena ista je završena u 16:16 sati.)

**STENOGRAM SAČINILI:****Selma Suljkanović****Jasminka Delalić****P R E D S J E D A V A J U Ć I****Ana Pejić, BA prava**